

四庫全書

經部

欽定四庫全書

經部

五禮通考卷一百六十一

詳校官太常寺少卿<sub>臣</sub>陳桂林

給事中<sub>臣</sub>溫常綬覆勘

總校官進士<sub>臣</sub>繆琪

校對官中書<sub>臣</sub>李葵

謄錄監生<sub>臣</sub>儲夏書

欽定四庫全書

五禮通考卷一百六十一

刑部尚書秦蕙田撰

嘉禮三十四

射禮

蕙田案孔氏穎達曰射禮有三一為大射是  
將祭擇士之射二為賓射是諸侯來朝而天  
子與之射或諸侯相朝而與之射三為燕射

謂燕息而與之射此所論皆臨時行禮之射  
又有平日肄習之射則鄉射是也射以觀德  
行故古聖人最重其事禮既殘缺其完善可  
考者獨有儀禮大射儀鄉射禮二篇又戴記  
射義一篇而已鄭康成注鄉射以為惟大射  
賓射燕射謂之禮射則其餘皆散射也又注  
周官云庶民無禮射今取儀禮大射鄉射二  
篇為首尊全經也旁采經傳分大射賓射燕

射鄉射存其畧也終以諸書所論射雜儀及射器而射禮粗備矣

又案劉向別錄以射入吉禮唐開元禮入軍禮通典因之射為六藝之一原所以習禮樂非專尚威武至於諸經言射兼朝祭饗燕亦不得專屬吉禮鄭康成注儀禮大射鄉射皆屬嘉禮宋史亦以大射入嘉禮頗存古意今從之

# 儀禮大射儀

鄭目錄云名曰大射者諸侯將有祭祀之事與其羣臣射以觀禮數中者得與於祭

不數中者不得與於

祭於五禮屬嘉禮

教氏繼公曰諸侯與其羣臣飲酒而習

射之禮也言大射者別於賓射燕射也

盛氏世佐曰射義云諸侯之射也必先行燕禮又云

諸侯君臣盡志於射以習禮樂此篇所陳是也亦曰

大射者別於鄉射也鄉大夫與其民習射於鄉學謂

之鄉射諸侯與其臣習射於大學謂之大射其與賓

射燕射異者彼是因賓燕而射射否惟欲主於序歡

情也此則為射而燕主於習禮樂也不曰禮而曰儀

以其威儀之法

比鄉射尤詳也

# 大射之儀君有命戒射

注將有祭祀之事當射宰告於君君乃命之

## 宰戒百

官有事於射者

注宰於天子冢宰治官卿也作大事則掌以君命戒於百官

射人戒

諸公卿大夫射司士戒士射與贊者

注射人掌以射法治射儀司士掌國

中之士治凡其戒令皆司馬之屬也殊戒公卿大夫與士辨貴賤也贊佐也謂士佐執事不射者

前射

三日宰夫戒宰及司馬射人宿視滌

注宰夫冢宰之屬掌百官之徵令者

司馬於天子政官之卿凡大射則合其六耦滌謂溉器掃除射宮

蕙田案以上戒百官

觀承案上文射人戒是前期旬有一日此宰

夫戒是前射之三日射人宿是夕宿為前一

日宗伯宿視滌濯是也

司馬命量人量侯道與所設乏以貍步大侯九十參七

十千五十設乏各去其侯西十北十

注量人司馬之屬掌量道巷塗數者

侯謂所射布也尊者射之以威不寧侯卑者射之以求為侯量侯道謂去堂遠近也容謂之乏所以為獲者之禦矢貍之伺物每舉足者正視遠近為發必中也是以量侯道取象馬鄉射記曰侯道五十弓考工記曰弓之下制六尺則此貍步六尺明矣大侯熊侯謂之大者與天子熊侯同參讀為糝糝雜也雜侯者豹鵠而麋飾下天子大夫也干讀為豳豳侯者豳鵠豳飾也大夫將祭於已射麋侯士無臣祭不射疏熊侯而謂之大者言畿外諸侯亦得用三侯其數上同於天子而非畿內諸侯所可比故於熊侯加大以別之然不嫌於偏上者天



子三侯則虎侯熊侯豹侯諸侯不得用虎侯而以熊侯  
參侯豸侯為三侯若畿內則但有熊侯豹侯此其所以  
別也云豹鵠而麋飾下天子大夫也者司裘云卿大夫  
則共麋侯此則豹皮為鵠以麋飾其側不用純麋是下  
天子大夫也豸鄭注周禮云胡犬豸侯亦取捷黠意大  
夫得置家臣故將祭得大射擇士士卑無臣故祭不得  
也

射遂命量人中車張三侯大侯之崇見鵠於參參見鵠  
於干干不及地武不繫左下網設乏西十北十凡之用

草

注中車於天子宗伯之屬掌裝衣車者亦使張侯侯  
中類崇高也高必見鵠鵠所射之主鵠之言較較直

也射者所以直已志或曰鵠鳥名射之難中中之為俊  
是以取名淮南子曰鵠鵠如來然則所云正者正也亦  
鳥名齊魯之間名題肩為正正鵠皆鳥之捷黠者考工  
記曰梓人為侯廣與崇方參分其廣而鵠居一焉則大

侯之鵠方六尺。鵠侯之鵠方四尺六寸大半寸。新侯之鵠方三尺三寸少半寸。及至也。武迹也。中人之足長尺二寸。以新侯計之。參侯去地一丈五寸少半寸。大侯去地二丈二尺五寸少半寸。凡侯北面西方謂之左前射。三日張侯設乏。欲使有事者豫志焉。疏鄉射云。乏參侯道居侯黨之一。西五步。注云。此乏去侯北十丈。西三丈。此經云。西北十則西與北皆六丈。不得為三分居侯黨之一者。以其三侯入堂深故也。西亦六丈者。以三侯恐矢揚傷人。與一侯亦異也。三侯之下。總云西北十則其乏皆西北十。美侯之廣狹。取度於侯道。大侯道九十弓。弓取二寸二九十八侯。中丈八尺三分其侯而鵠居一。故知鵠六尺也。參侯干侯亦以侯道弓數及弓取二寸推之。大侯中丈八尺。鵠方六尺。參侯中丈四尺。鵠方四尺六寸大半寸。干侯中一丈。鵠方三尺三寸少半寸。凡言大半寸者二分寸。之二少半寸者三分寸之一。

張氏爾岐曰王大射用虎侯熊侯豹侯畿內諸侯二侯以熊侯為首畿外諸侯得用三侯熊侯糝侯豸侯以熊侯同於天子故云大侯三侯共道遞近以二十步為率尊者射遠卑者射近侯遠則鵠大侯近則鵠小大侯之鵠見參侯之上參侯之鵠見干侯之上干侯下綱則去地一尺二寸此三侯高下之法也註知三侯之鵠廣狹之數者以侯之廣狹取則於侯道之遠近每弓取二寸九十弓者十八尺七十弓者十四尺五十弓者十尺每侯之鵠又各取其侯三分之一故推知之也設乏西十北十西與北各去侯六丈也云凡乏三侯各有乏也

蕙田案此所言侯與司裘職文異註以為彼乃畿內諸侯此為畿外諸侯教繼公謂畿內

無諸侯盛世佐謂王制天子之縣內諸侯祿也故春秋有凡伯祭伯當從盛氏參侯康成以為當作糝教繼公以為參如無徃參之參謂介於二者之間也大侯以大於二侯名則參侯以參於二侯名大侯為熊侯參侯為豹侯歟當從教氏作如字讀但謂為豹侯亦無所據不如盛世佐謂參用豹侯麋侯為的又案以上張侯

樂人宿縣於阼階東笙磬西面其南笙鐘其南鐃皆南

陳

注周禮曰凡縣鐘磬半為堵全為肆有鐘有磬為全鐃如鐘而大奏樂以鼓鐃為節

建鼓在阼

階西南鼓應鼙在其東南鼓

注南鼓謂所伐面也應鼙應朔鼙也先擊朔鼙應鼙

應之鼙小鼓也在東便其先擊小後擊大也鼓不在東縣南為君也

西階之西頌磬東面

其南鐘其南鐃皆南陳一建鼓在其南東鼓朔鼙在其

北

注朔始也奏樂先擊西鼙樂為賓所由來也

一建鼓在西階之東南面

注言

面者國君於其羣臣備三面爾無鐘磬有鼓而已其為諸侯則軒縣

籥在建鼓之間

注籥竹也

謂笙簫之屬倚於堂鼗倚於頌磬西紃

注紃編磬繩也設鼗於磬西倚於紃也王制曰天子

賜諸侯樂則以祝將之賜  
伯子男樂則以鼗將之

盛氏世佐曰燕禮縣與燕同日此亦於射前一日為之者大射重於燕也樂以人聲為貴故歌者在上方匏竹在下上下謂堂上堂下也陳氏云頌磬歌於西是南鄉北鄉以西方為上所以貴人聲也笙磬吹於東是以東方為下所以賤匏竹也非就堂下樂中亦有差等笙管聲之發乎人者也磬鐘之屬聲之發乎器者也故有時以笙為主而磬以下應之所謂笙奏也詩云笙磬同音是也有時以管為主而磬以下應之所謂下管也詩云嘒嘒管聲既和且平依我磬聲是也下經云乃管新宮三終則大射樂以管為主矣

蕙田案以上樂縣

厥明司宮尊於東楹之西兩方壺膳尊兩甌在南有豐

冪用錫若締綴諸箭蓋冪加勺又反之皆玄尊酒在北

注膳尊君尊也後陳之尊之也豐以承尊也冪覆尊中也錫細布也締細葛也箭篠也為冪蓋卷辟綴於篠橫之也又反之為覆勺也皆玄尊二者皆有玄酒之尊重本也酒在北尊統於君南為上也唯君面尊言專惠也  
疏唯君面尊謂君燕臣  
子專其思惠故尊鼻嚮君  
尊士旅食於西罇之南北面

兩罇壺

注旅衆也士衆食未得正祿謂庶人在官者罇壺變於方也賤無玄酒

又尊於大

侯之乏東北兩壺獻酒

注為隸僕人中車穆侯舒侯之獲者郊特牲曰汁獻沅於醢酒

服不之尊侯時而陳於南統於侯皆東面  
僕以下卑賤之人而獻鬱鬯者此所得獻皆因祭侯為  
侯之神故  
設洗於阼階東南罇水在東篚在洗西南陳

用鬱鬯也

設膳篚在其北西面又設洗於獲者之尊西北水在洗

北篚在南東陳

注無爵因服不也有篚為奠虛爵也服不之洗亦俟時而陳於其南

小臣

設公席於阼階上西鄉司宮設賓席於戶西南面有加

席鄉席賓東東上小鄉賓西東上大夫繼而東上若有

東面者則北上席工於西階之東東上諸公阼階西北

面東上官饌

注百官各饌其所當共之物

蕙田案以上陳設

羹定射人告具於公公升即位於席西鄉小臣師納諸



公卿大夫諸公卿大夫皆入門右北面東上士西方東

面北上太史在干侯之東北北面東上士旅食者在士

南北面東上小臣師從者在東堂下南面西上

注太史在干侯

東北士旅食者在士南為有侯故入庭深也

小臣師正之佐也正相君出入君之大命

張氏爾岐曰自此至南面反奠於其所北面立皆將射先燕之事公命賓納賓以來主人獻賓賓酢主人

主人獻公主人受公酢主人酬賓二人舉觶公取觶酬賓遂旅酬主人獻卿二人再舉觶公為卿舉旅酬

主人獻大夫工入奏樂凡十二節

公降立於阼階之東南南鄉小臣師詔揖諸公卿大夫

諸公卿大夫西面北上揖大夫大夫皆少進

注 詔告也 變爾言揖

亦以其入庭深也

大射正擯

注 大射正 射人之長

擯者請賓公曰

命某為賓

注 某大 夫名

擯者命賓賓少進禮辭

注 命賓者東 面南顧辭

以不

反命

注 以賓之 辭告於君

又命之賓再拜稽首受命

注 又 復

擯

者反命賓出立於門外北面公揖卿大夫升就席小臣

自阼階下北面請執罍者與羞膳者

注 請士可使執君 兩甌之罍及羞脯

醢庶羞於君者 方罍壺獻無罍

乃命執罍者執罍者升自西階立於尊

南北面東上

注 命者於西階前以公命命之東上執玄 尊之罍為上羞膳者從而東由堂東升自

北階立於房中西面南上  
不言命者不升堂畧之

膳宰請羞於諸公卿者

注膳宰請

者異於君也

擯者納賓賓及庭公降一等揖賓賓辟

注及至也辟遂

遁不敢當盛

公升即席

注以賓將與主人為禮不參之

蕙田案以上即位命賓納賓

奏肆夏

注肆夏樂章名今亡

敎氏繼公曰穆叔聘於晉晉侯享之金奏肆夏之三  
穆叔曰三夏天子所以享元侯也使臣不敢與聞此  
惟奏肆夏而不及繁遏渠其辟天子之享禮與

賓升自西階主人從之賓右北面至再拜賓答再拜

注主

人宰夫也又掌賓客之獻飲食君於臣雖為賓不親獻以其莫敢亢禮

主人降洗洗南西

北面

注賓將從降鄉之不於洗北辟正主

賓降階西東面主人辭降賓對

主人北面盥坐取觚洗賓少進辭洗主人坐奠觚於篚

興對賓反位

注賓少進者所辭異宜違其位也獻不用爵辟正主

主人卒洗賓揖

乃升

注賓每先升揖之

主人升賓拜洗主人賓右奠觚答拜降

盥賓降主人辭降賓對卒盥賓揖升主人升坐取觚

注取

觚將就瓦甌酌膳

執冪者舉冪主人酌膳執冪者蓋冪酌者加

勺又反之

注反之覆勺

筵前獻賓賓西階上拜受爵於筵前

反位主人賓右拜送爵

注賓既拜於筵前受爵退復位

宰胥薦脯醢

注宰

胥宰官之吏也不使膳宰

薦不主於飲酒變於燕

賓升筵庶子設折俎

注庶子司馬之

屬掌正六牲之體者也

鄉射記曰賓俎

賓坐左執觚右

脊脇肩肺不使膳宰設俎為射變於燕

祭脯醢奠爵於薦右興取肺坐絕祭齊之興加於俎坐

扱手執爵遂祭酒興席末坐啐酒降席坐奠爵拜告旨

執爵興主人答拜

注降席席西也旨美也

樂闋

注闋止也樂止者尊賓之禮盛於上

也

疏燕禮記云賓及庭奏肆夏實拜酒主人答拜而

樂闋亦據啐酒時按郊特牲賓入大門而奏肆夏卒爵

而樂闋與此啐酒樂闋不同者彼謂朝聘者故

賓西階

卒爵而樂闋此燕已臣子法故啐酒而樂闋也

上北面坐卒爵興坐奠爵拜執爵興主人答拜

蕙田案以上主人獻賓

賓以虛爵降主人降賓洗南西北面坐奠觶少進辭降主人西階西東面少進對賓坐取觶奠於簠下盥洗

注既

卒爵實將酢主人也簠下簠南也

主人辭洗賓坐奠觶於簠興對卒洗

及階揖升主人升拜洗如賓禮賓降盥主人降賓辭降卒盥揖升酌膳執筯如初以酢主人於西階上主人北面拜受爵賓主人之左拜送爵主人坐祭不啐酒不拜

酒遂卒爵興坐奠爵拜執爵興賓答拜主人不崇酒以  
虛爵降奠於篚賓降立於西階西東面擯者以命升賓  
賓升立於西序東面

注命公  
命也

蕙田案以上賓酢主人

主人盥洗象觚升酌膳東北面獻於公公拜受爵乃奏

肆夏

注言乃者其  
節異於賓

蕙田案前賓入之時已奏肆夏故康成云其

節異於賓教繼公云此奏當以東方之縣

主人降自西階阼階下北面拜送爵宰胥薦脯醢由左

房庶子設折俎升自西階

注鄉射記曰主人俎脊脅臂肺

公祭如賓禮

庶子贊授肺不拜酒立卒爵坐奠爵拜執爵興主人答拜樂闋升受爵降奠於篚

蕙田案以上主人獻公

更爵洗升酌散以降酢於阼階下北面坐奠爵再拜稽首公答拜主人坐祭遂卒爵興坐奠爵再拜稽首公答拜主人奠爵於篚



蕙田案以上主人自酢

主人盥洗升媵觚於賓酌散西階上坐奠爵拜賓西階  
上北面答拜主人坐祭遂飲賓辭卒爵興坐奠爵拜執  
爵興賓答拜主人降洗賓降主人辭降賓辭洗卒洗賓  
揖升不拜洗主人酌膳賓西階上拜受爵於筵前反位  
主人拜送爵賓升席坐祭酒遂奠於薦東主人降復位  
賓降筵西東南面立

蕙田案以上主人酬賓

又案自此以下儀節多與燕禮相為出入

小臣自阼階下請媵爵者公命長小臣作下大夫二人  
媵爵媵爵者阼階下皆北面再拜稽首公答拜媵爵者  
立於洗南西面北上序進盥洗角觶升自西階序進酌  
散交於楹北降適阼階下皆奠觶再拜稽首執觶興公  
答拜媵爵者皆坐祭遂卒觶興坐奠觶再拜稽首執觶  
興公答再拜媵爵者執觶待於洗南小臣請致者若命  
皆致則序進奠觶於篚阼階下皆北面再拜稽首公答

拜媵爵者洗象觶升實之序進坐奠於薦南北上降適

阼階下皆再拜稽首送觶公答拜媵爵者皆退反位

注反

門右北  
面位

蕙田案以上媵觶於公

公坐取大夫所媵觶興以酬賓賓降西階下再拜稽首

小臣正辭賓升成拜

注正長也

敖氏繼公曰小臣

正辭亦公命之

公坐奠觶答拜執觶興公卒觶賓下拜小臣正辭賓升

再拜稽首公坐奠觶答拜執觶興賓進受虛觶降奠於  
筐易觶興洗公有命則不易不洗反升酌膳下拜小臣  
正辭賓升再拜稽首公答拜賓告於擯者請旅諸臣擯  
者告於公公許

敖氏繼公曰旅旅酬之也賓因君所賜請旅諸  
臣所以廣君賜也公許擯者又以告賓乃旅也

賓以旅大夫於西階上擯者作大夫長升受旅賓大夫  
之右坐奠觶拜執觶興大夫答拜賓坐祭立卒觶不拜  
若膳觶也則降更觶洗升實散大夫拜受賓拜送遂就

席

盛氏世佐曰賓初立西序東面既及於筵西東南面立至是始就席禮以漸殺也

大夫辯受酬如受賓酬之禮不祭酒卒受者以虛觶降奠於篚復位

蕙田案以上公為賓舉旅

主人洗觶升實散獻鄉於西階上司宮兼卷重席設於賓左東上鄉升拜受觶主人拜送觶鄉辭重席司宮徹之乃薦脯醢鄉升席庶子設折俎

敖氏繼公曰卿有俎

大射差重於燕也

盛氏世佐曰案此薦不

言其人意亦宰胥也

卿坐左執爵右祭脯醢奠爵於薦右興取肺坐絕祭不  
嚙肺興加於俎坐拱手取爵遂祭酒執爵興降席西階  
上北面坐卒爵興坐奠爵拜執爵興主人答拜受爵卿  
降復位注復西面位辯獻卿主人以虛爵降奠於篚擯者升  
卿卿皆升就席若有諸公則先卿獻之如獻卿之禮席  
於阼階西北面東上無加席

蕙田案以上主人獻諸公卿

小臣又請媵爵者二大夫媵爵如初請致者若命長致

則媵爵者奠觶於篚

注命長致者使長者一人致也公或時未能舉自優暇

一人

待於洗南

注不致者

長致者阼階下再拜稽首公答拜

注再拜稽

首拜君命

洗象觶升實之坐奠於薦南降與立於洗南者二

人皆再拜稽首送觶公答拜

注奠於薦南先媵者上觶之處也二人皆拜如初共

勸君飲之

蕙田案以上二人再媵觶於公

公又行一爵若賓若長唯公所賜

注於是言賜射禮明尊卑

以旅於

西階上如初

注賜賓則以酬長賜長則以酬賓大夫長升受旅以辯

大夫卒受者

以虛觶降奠於篚

蕙田案言賜教氏云文異耳盛世佐云當從

註

又案以上公為卿舉旅

主人洗觶升獻大夫於西階上大夫升拜受觶主人拜  
送觶大夫坐祭立卒爵不拜既爵主人受爵大夫降復



位

注大夫卒爵不拜賤不備禮

胥薦主人於洗北西面脯醢無胥辯

獻大夫遂薦之繼賓以西東上若有東面者則北上卒

擯者升大夫大夫皆升就席

蕙田案以上主人獻大夫

乃席工於西階上少東小臣納工工六人四瑟

注工謂瞽矇善

歌諷誦詩者也六人太師少師各一人上工四人四瑟者禮大樂衆也

教氏繼公曰大射差重於燕加瑟者二人然則諸侯祭饗歌與瑟各四人與以是推之天子之制其隆殺之數亦可知矣

僕人正徒相大師僕人師相少師僕人士相上工

注徒空手

也僕人正僕人之長師其佐也士其吏也天子視瞭相工諸侯兼官是以僕人掌之大師少師工之長也凡國之瞽矇正焉杜蒯曰曠也大師也於是分別工及相者射禮明貴賤疏正為長師為衆故僕人正為長師為

佐士在僕人之下故知僕人之吏

相者皆左何瑟後首內弦挾越右手

相

注謂相上工者後首主於射略於樂也內弦挾越以右手相工由便也越瑟下孔所以發越其聲者也

後者徒相入

注謂相大師少師者也上列官之尊卑此言先後之位亦所以明貴賤凡相者以工

出小樂正從之

注從大師也後升者變於燕也小樂正於天子樂師也疏燕禮樂正先升又

不使小樂正者彼主於樂此則畧於樂也

升自西階北面東上

注工六人坐授瑟

乃降

注相降立於西縣之北

小樂正立於西階東

注不統於工明工雖衆位猶在

此乃歌鹿鳴三終

注歌鹿鳴三終而不歌四牡皇皇者華主於講道畧於勞苦與諮事

主

人洗升實爵獻工工不興左瑟

注洗爵獻工辟正主也獻不用觚工賤異之工

不興不能備禮左瑟便其右

一人拜受爵

注謂大師也言一人者工賤同之也工拜於席

主

人西階上拜送爵薦脯醢使人相祭

注使人相者相其祭薦祭酒

卒

爵不拜主人受虛爵衆工不拜受爵坐祭遂卒爵辯有

脯醢不祭主人受爵降奠於篚復位大師及少師上工

皆降立於鼓北羣工陪於後

注鼓北西縣之北也言鼓北者與鼓齊面餘長在後

也韋公陪於後三人為列也疏下文太師少師始遷  
向東明此降者在西縣之北可知云鼓北者案前列樂  
縣之時鼓在鑄南今不言在鐘磬之北遙繼鼓而言之  
者欲取形大又面向東工亦面向東故遙取鼓面也  
乃管新宮三終注管謂吹蕩以播新宮之樂其篇亡其  
義未聞管從工而入既管不獻畧下樂

也立於東  
縣之中

張氏爾岐曰注立於東縣句可疑愚案燕禮笙入立  
於縣中注云縣中縣中央也鄉飲酒禮曰磬南北面  
疏云諸侯軒縣闕南面而已故得言縣中鄉飲酒唯  
以磬縣而已不得言縣中而云磬南注引鄉飲酒者  
欲見此雖軒縣近北面縣之南也此經初設樂無北  
面縣但移東縣建鼓在阼階西又設一建鼓在西階  
東正當北面一縣之處蕩在建鼓之間注云蕩謂笙  
簫之屬倚於堂又與燕禮笙入所立之位同疑設之

在此者亦奏之於此至此管新宮三終注乃云立於東縣之中不知於經何據若云辟射位射事未至無可辟也且上文太師等立於鼓北亦當是此建鼓之北注以為西縣之北不知西縣何以單名為鼓竊疑大師等立此或亦以將奏管故臨之非徒立也至下管三終乃相率而東耳既從工而入工升堂笙即立堂下亦其宜也姑存此疑以質知者

卒管太師及少師上工皆東坫之東南西面北上坐注不

言縣北統於堂也於是時大樂正還北面立於其南

盛氏世佐曰管之者大師諸人也管數未聞然以鄉射記三笙一和推之則管亦不止於一矣管奏則堂下諸樂並奏以應之書曰下管鞀鼓合止祝敔既管不獻者以奏管者既受獻羣工賤又不奏管故也

蕙田案以上作樂娛賓射前燕禮備

擯者自阼階下請立司正

注三爵既備上下樂作君將留羣臣而射宜更立師正以

監之察儀法也

公許擯者遂為司正

注君許其請因命用之不易之者俱相禮其事同也

司正適洗洗角觶南面坐奠於中庭

注奠觶者著其位以顯其事威儀多

也

升東楹之東受命於公西階上北面命賓諸公卿大

夫公曰以我安賓諸公卿大夫皆對曰諾敢不安

注以我安

者君意殷勤欲留之以我故安也

教氏繼公曰此中庭者亦阼階前南北之中與燕禮司正之位同以當辟射也羣臣皆為射而來時猶未

射固無嫌於不安而司正乃受命以安之者緣其意若不敢必君之終行射事然也受命亦北面與請徹同俎

司正降自西階南面坐取觶升酌散降南面坐奠觶

注奠

於中庭故也

興右還北面少立坐取觶興坐不祭卒觶奠之

興再拜稽首左還南面坐取觶洗南面反奠於其所北

面立

注皆所以自昭明於衆也將於觶南北面則右還於觶北南面則左還如是得從觶西往來也必從

觶西往來者為君在阼不背之也

蕙田案以上將射立司正安賓察儀

司射適次袒決遂執弓挾乘矢於弓外見鏃於弣右巨

指鈎弦

注司射射人也次若今時更衣處帳幃席為之耦次在洗東南袒左免衣也決猶闐也以象骨

為之著右巨指所以鈎弦而間之遂射鞬也以朱韋為之著左臂所以遂弦也方持弦矢曰挾乘矢四矢弣弓把見鏃焉順其射也右巨指右手大擘以鈎弦弦在旁挾由便也疏司射射人大射正司正攢者其實一人也

張氏爾岐曰此下方及射事有三耦不釋獲之射有三耦衆耦釋獲之射有以樂射共三番射亦畧如鄉射之節自此至左右撫之興反位皆言三耦不釋獲之射司射納器比耦司射誘射三耦乃射射已取矢凡四節



自阼階前曰為政請射

注為政謂司馬也司馬政官主射禮

遂告曰大夫

與大夫士御於大夫

注因告選三耦於君御猶侍也大夫與大夫為耦不足則士侍於大

夫與為耦也

遂適西階前東面右顧

疏司射西階前東面者君在阼宜向之右顧者

以其有司是士士在西階南東面是以右顧向之

命有司納射器射器皆入君

之弓矢適東堂賓之弓矢與中籌豐皆止於西堂下衆

弓矢不挾總衆弓矢楅皆適次而俟

注中間中算器也籌算也豐可奠射

爵者衆弓矢三耦及卿大夫以下弓矢也司射矢亦止西堂下衆弓矢不挾則納公與賓弓矢者挾之楅承矢

器工人士與梓人升自北階兩楹之間疏數容弓若丹

若墨度尺而午射正涖之

注工人士梓人皆司空之屬能正方圓者一從一橫曰午

謂畫物也

卒畫自北階下司宮埽所畫物自北階下

注埽物重射事

也工人士梓人司

宮位在北堂下

太史侯於所設中之西東面以聽政

注中未設也太史侯馬將有事也鄉射禮曰設中南當楹西當西序東面

司射西面誓之曰

公射大侯大夫射參士射干射者非其侯中之不獲卑

者與尊者為耦不異侯太史許諾遂比三耦

注比選次之也不言

面者大夫在門右北面士西方東面

疏天子大射賓

射六耦三侯畿內諸侯則二侯四耦畿外諸侯大射賓

射皆三侯三耦但諸侯畿外畿內各有一中一屈故畿外三侯遠尊得申與天子同三耦則屈畿內二侯近尊

則屈四耦則申若燕射則天子諸侯例同三耦一侯  
而已以其燕私屈也若卿大夫士例同一侯三耦

耦俟於次北西面北上司射命上射曰某御於子命下

射曰子與某子射卒遂命三耦取弓矢於次

注取弓矢不拾者次

中隱  
蔽處

蕙田案鄭以次中隱蔽不拾其說欠理教繼

公云此下當有三耦袒決遂拾弓矢之事文

不具耳

又案以上誓太史納射器比三耦

司射入於次搯三挾一个出於次西面揖當階北面揖

及階揖升堂揖當物北面揖及物揖由下物少退誘射

注搯捷也挾一个挾於弦也个猶枚也由下物而少退  
謙也誘猶教也疏射人誘射與鄉射同但鄉射往階

西取弓矢此則入次取弓矢為異然此云入次  
搯三挾一个則已前皆挾乘矢不改鄉射亦然射三侯

將乘矢始射干又射參大侯再發

注將行也行四矢象  
有事於四方詩云四

矢反兮以  
御亂兮

卒射北面揖

注揖於當物之處不南面者為  
不背鄉疏鄉射南面揖者彼

尊東或公或卿大夫位同不別故司射不特尊之此大  
射辨尊卑尊東唯有天子命卿其餘小卿及大夫皆賓

西故特尊之  
不背之也

郝氏敬曰卒時北面揖敬  
君事殊於鄉射揖南面也

及階揖降如升射之儀遂適堂西改取一个挾之

注改更也

不射而挾矢示有事也

遂取扑搯之以立於所設中之西南東面

注扑所以撻犯教者也於是言立著其位也鄉射記曰司射之弓矢與扑倚於西階之西疏鄉射先立于所設中之西南乃誘射此則誘射卒始來就位

### 蕙田案以上司射誘射

司馬師命負侯者執旌以負侯

注司馬師正之佐也欲令射者見侯與旌深志

於侯中也負侯獲者也天子服不氏下士一人徒四人掌以旌居乏待獲析羽為旌疏引天子服不氏為獲

者明諸侯

亦當然也

蕙田案司馬師鄭云正之佐盛世佐云軍司  
馬之佐軍司馬之職本闕不可知此何以知  
必為軍司馬佐且經文亦無軍司馬當從鄭  
負侯者鄭云獲者盛云在天子為射鳥氏周  
禮射鳥氏射則取矢矢在侯高則以并夾取  
之諸侯蓋以庶人在官者為之此可以補鄭  
之闕旌鄭云析羽教繼公云翽旌盛云三侯

之旌各不同大侯之旌以析羽為之鄉射記  
云於郊則以旌獲是也參侯干侯之旌以雜  
帛為之鄉射記云旌各以其物是也教說偏  
鄭亦混惟盛氏得之

負侯者皆適侯執旌負侯而侯司射適次作上耦射

注作

也使司射反位上耦出次西面揖進上射在左並行當階

北面揖及階揖上射先升三等下射從之中等

注上射在左便

射位也中

猶間也

張氏爾岐曰發位並行及升上射皆居左履物南面上射乃在右右物為上也

上射升堂少左下射升上射揖並行

注並併也併東行

皆當其

物北面揖及物揖皆左足履物還視侯中合足而俟

注視

侯中各視其侯之中大夫耦則視參中參中十四尺士耦則視干中干中十尺

司馬正適次袒

決遂執弓右挾之出升自西階適下物立於物間左執

弣右執簫南揚弓命去侯

注司馬正政官之屬簫弓未揚弓者執下末揚猶舉也適

下物由上射後東過也命去侯者將射當獲也鄉射禮曰西南面立於物間

負侯皆許諾以

宮趨直西及乏南又諾以商至乏聲止

注宮為君商為臣其聲和相生



也鄉射禮曰獲者執旌許諾疏宮數八十  
一商數七十二彈宮則商應故云聲和也

蕙田案宮字絕句張爾岐以宮趨為句非是

授獲者退立於西方獲者興共而俟

注大侯服不氏負侯徒一人居乏相

代而獲參侯干侯徒負侯居乏不相代鄉射禮曰獲者執旌許諾聲不絕以至於乏坐東面偃旌興而俟司

馬正出於下射之南還其後降自西階遂適次釋弓說

決拾襲反位

注拾遂也鄉射禮曰司馬反位立於司射之南

司射進與司馬正

交於階前相左由堂下西階之東北面視上射命曰毋

射獲毋獵獲上射揖司射退反位

注射獲矢中乏也從旁為獵

乃射

上射既發挾矢而后下射射拾發以將乘矢

注拾更也將行也

獲者坐而獲

注坐言獲也

舉旌以宮偃旌以商

注再言獲也

獲而

未釋獲

注但言獲未釋算

卒射右挾之北面揖如升射

注右挾之右手

挾

上射降三等下射少右從之中等並行上射於左與

升射者相左交於階前相揖適次釋弓說決拾襲反位

注上射於左由下射階上少右乃降待之言襲者凡射皆袒

三耦卒射亦如之司射

去扑倚於階西適阼階下北面告於公曰三耦卒射反

搯扑反位

蕙田案以上三耦初射

司馬正袒決遂執弓右挾之出與司射交於階前相左

注出出於次也袒時亦適次

升自西階自右物之後立於物間西南

面揖弓命取矢

注揖推之

負侯許諾如初去侯皆執旌以負

其侯而侯

注侯小臣取矢以旌指教之

司馬正降自西階北面命設

楅

注此出於下射之南還其後而降之

小臣師設楅司馬正東面以弓為

畢

注畢所以教助執事者鄉射記曰乃設楅於中庭南當洗東肆

既設楅司馬正適次

釋弓說決拾襲反位小臣坐委矢於楅北括司馬師坐

乘之

注乘四  
四數之

卒若矢不備則司馬正又袒執弓升命取

矢如初曰取矢不索乃復求矢加於楅卒司馬正進坐

左右撫之興反位

注左右撫分上下  
射此坐皆北面

蕙田案以上設楅取矢第一番射禮竟

司射適西階西倚扑升自西階東面請射於公

注倚扑  
者將即

君前不敢佩刑器也升堂  
者欲諸公卿大夫辨聞也

公許遂適西階上命賓御於

公諸公卿則以耦告於上大夫則降即位而后告

注告  
諸公

卿於堂上  
尊之也

司射自西階上北面告於大夫曰請降司射

先降搢扑反位大夫從之降適次立於三耦之南西面

北上

注適次由次前而北西面立

司射東面於大夫之西北耦大夫

與大夫命上射曰某御於子命下射曰子與某子射卒

遂比衆耦

注衆耦士也

衆耦立於大夫之南西面北上若有

士與大夫為耦則以大夫之耦為上

注為上居羣士之上

命大夫

之耦曰子與某子射告於大夫曰某御於子

注士雖為上射其辭

猶尊大夫

命衆耦如命三耦之辭諸公卿皆未降

注言未降者見其志

降在

蕙田案以上請射於公及比衆耦

遂命三耦各與其耦拾取矢皆袒決遂執弓右挾之

此注

命八次之事也司射既命而反位不言之者上射出當作取矢事未訖

一耦出西面揖當

楅北面揖及楅揖

注三耦同入次其出也一工射出西而立司射作之乃揖行也當楅楅正

南之東西

上射東面下射西面上射揖進坐橫弓卻手自弓

下取一个兼諸附興順羽且左還毋周反面揖

注橫弓者南踞

弓也卻手自弓下取矢者以左手在弓表右手從裏取之便也兼并也并矢於附當順羽既又當執弦順羽者手放而下簡不整理也左還反其位毋周右手還而反東面也君在阼還周則下射將背之下射進坐

橫弓覆手自弓上取一个兼諸附興順羽且左還毋周

反面揖

注橫弓亦南路弓也人東西鄉以南北為橫覆手自弓上取矢以左手在弓裏右手從表取之

便也既拾取矢捆之

注捆齊等之也

蕙田案捆郝敬云叩也叩四矢使齊即鄭氏

意張爾岐曰疑當作捆孟子注捆猶叩啄也

若捆則門櫪耳監本正誤亦云捆與捆復二

字皆誤盛世佐云二字通用盛氏為長楊氏

脫此一節不知何故

兼挾乘矢皆內還南面揖

注內還者上射左下射右不皆右還亦以君在阼嫌下射

故左還而背之也上以陽為內下以陰為內因其宜可也

適搢南皆左還北面揖搢

三挾一个

注搢南鄉當搢之位也

揖以耦左還上射於左

注以猶與也言

以者耦之事成於此意相人耦也上射轉居左便其反位也上射少北乃東面

退者與進者相

左相揖退釋弓矢於次說決拾襲反位二耦拾取矢亦

如之後者遂取誘射之矢兼乘矢而取之以授有司於

次中皆襲反位

注有司納射器因留主授受之

蕙田案以上三耦取矢於搢



又案自司馬正袒決遂以下至此楊氏皆以  
為第二次射之第一節

司射作射如初一耦揖升如初司馬命去侯負侯許諾  
如初司馬降釋弓反位司射猶挾一个去扑與司馬交  
於階前適阼階下北面請釋獲於公公許反搢扑遂命

釋獲者設中以弓為畢北面

注北面立於所設中之南  
當視之也鄉射禮曰設中

南當福西  
當西序

大史釋獲小臣師執中先首坐設之東面退

大史實八算於中橫委其餘於中西興共而俟

注先猶  
前也命

大史而小臣師設之國君官多也小臣師退反  
東堂下位鄉射禮曰橫委其餘於中西南末

司射西

面命曰中離維綱揚觸捆復公則釋獲衆則不與

注離猶過

也獵也侯有上下綱其邪制躬舌之角者為維或曰維  
當為綱綱綱耳揚觸者謂矢中他物揚而觸侯也捆復  
謂矢至侯不著而還復復反也公  
則釋獲優君也衆當中鵠而著  
唯公所中中三侯皆

獲

注值中一侯則釋獲

釋獲者命小史小史命獲者

注傳告服不使知此司射

命所

司射遂進由堂下北面視上射命曰不貫不釋上射

揖司射退反位

注貫猶中也射不中鵠不釋算

釋獲者坐取中之八算

改實八算興執而俟

注執所取算

乃射若中則釋獲者每一

个釋一算上射於右下射於左若有餘算則反委之

注委

餘算禮貴異

又取中之八算改實八算於中興執而俟三耦

卒射

蕙田案以上三耦再射釋獲

賓降取弓矢於堂西

注不敢與君並俟告取之以升俟君事畢疏君待告乃取弓矢

諸公卿則適次繼三耦以南

注言繼三耦明在大夫北

公將射則司

馬師命負侯皆執其旌以負其侯而俟

注君尊若始馬

司馬師

反位隸僕人婦侯道

注新

司射去扑適阼階下告射於

公公許適西階東告於賓

注告當射也

遂搯扑反位小射正

一人取公之決拾於東站上一小射正授弓拂弓皆以

俟於東堂

注授弓當授大射正拂弓去塵

公將射則賓降適堂西袒決

遂執弓搯三挾一个升自西階先待於物北北一筈東

面立

注不敢與君併筈矢幹東面立鄉君也

司馬升命去侯如初還右乃

降釋弓反位

注還右還君之右也猶出下射之南還其後也

公就物小射正奉

決拾以筈大射正執弓皆以從於物

注筈崔葦器大射正舍司正親其職

小射正坐奠筈於物南遂拂以巾取決興贊設決朱極

三注極猶放也所以韜指利放弦也以朱韋為之三者食指將指無名指無極放弦契於此指多則痛小指

短不用小臣正贊袒公袒朱襦卒袒小臣正退俟於東堂

小射正又坐取拾興贊設拾以筭退奠於坫上復位注既

袒乃設拾拾當以韞襦上大射正執弓以袂順左右隈上再下壹左

執弣右執簫以授公公親操之注順放之也隈弓淵也操宛之觀其安危也

小臣師以巾內拂矢而授矢於公稍屬注內拂恐塵及君也稍屬不搢

矢大射正立於公後以矢行告於公注若中使君當知而改其度下

曰留上曰揚左右曰方注留不至也揚過去也方出旁也公既發大射

正受弓而俟拾發以將乘矢

注公下射也而先發不留尊也

公卒射小

臣師以巾退反位大射正受弓

注受弓以授有司於東堂

小射正以

筭受決拾退奠於坵上復位大射正退反司正之位小

臣正贊襲公還而后賓降釋弓於堂西反位於階西東

面

注階西東面賓降位

公即席司正以命升賓賓升復筵而後卿

大夫繼射

蕙田案以上君與賓耦射

諸公卿取弓矢於次中袒決遂執弓搢三挾一个出西

面揖揖如三耦升射卒射降如三耦適次釋弓說決拾

襲反位衆皆繼射釋獲皆如初

注諸公卿言取弓矢衆言釋獲互言也

卒

射釋獲者遂以所執餘獲適阼階下北面告於公曰左

右卒射

注司射不言告者釋獲者於是有事宜終之也餘獲餘算也無餘算則無所執

反位坐

委餘獲於中西興共而俟

蕙田案以上公卿大夫衆耦再射

司馬袒執弓升命取矢如初負侯許諾以旌負侯如初

司馬降釋弓如初小臣委矢於楅如初

注司馬司馬正於是司馬師亦

坐乘 賓諸公卿大夫之矢皆異束之以茅卒正坐左右

撫之進束反位

注異束大夫矢尊殊之也正司馬正也進前也又言束整結之示親也疏公

卿皆異束但大夫或與士耦則士矢不束大夫束之故注異束大夫矢尊殊之也

郝氏敬曰左右撫之數衆矢也進束謂既數衆矢而后進所束之矢於楅反位反中西南東面之位

賓之矢則以授矢人於西堂下

注是言矢人則納射器之有司各以其器名官

職不言君矢小臣以授矢人於東堂下可知

司馬釋弓反位而后卿大夫升

就席

注此言其升前小臣委矢於楅疏據上文則升席當在司馬釋弓之後小臣委矢之前故注言其

次第也司射適階西釋弓去扑襲進由中東立於中南北



面視算釋獲者東面於中西坐先數右獲二算為純一  
純以取實於左手十純則縮而委之每委異之有餘純  
則橫諸下一算為奇奇則又縮諸純下興自前適左東  
面坐坐兼歛算實於左手一純以委十則異之其餘如  
右獲司射復位釋獲者遂進取賢獲執之由阼階下北  
面告於公若右勝則曰右賢於左若左勝則曰左賢於  
右以純數告若有奇者亦曰奇若左右鈞則左右各執  
一算以告曰左右鈞還復位坐兼歛算實八算於中委

其餘於中西興共而俟

蕙田案以上再射數左右獲算多少

司射命設豐

注當飲不勝者射爵

司宮士奉豐由西階升北面坐

設於西楹西降復位勝者之弟子洗觶升酌散南面坐

奠於豐上降反位

注弟子其少者也不授者射爵猶罰爵畧之

司射遂袒執

弓挾一个搯扑東面於三耦之西命三耦及衆射者勝

者皆袒決遂執張弓

注執張弓言能用之也右手挾弦

不勝者皆襲說

決拾卻左手右加弛弓於其上遂以執弣

注固襲說決拾矣復言之

者起勝者也不勝者執弛弓言不能用之也兩言執附無所挾也

司射先反位

注居前侯所命

入次而來飲

三耦及衆射者皆升飲射爵於西階上

注不勝之黨無

不飲疏大射者所以擇士以助祭今若在不勝之黨雖數中亦受罰及其助祭雖飲射爵亦得助祭但在勝黨雖不飲罰爵若不數中亦不得助祭飲罰據一黨而言助祭取一身之藝義固不同也

小射正

作升飲射爵者如作射

郝氏敬曰司射但命其儀不親作與鄉射異

一耦出揖如升射及階勝者先升升堂少右不勝者進北面坐取豐上之觶興少退立卒觶進坐奠於豐下興

揖

注右手執解左手執弓

不勝者先降

注後升先降客之不由次也降而少右復並行與

升飲者相左交於階前相揖適次釋弓襲反位僕人師

繼酌射爵取解實之反奠於豐上退俟於序端

注僕人師酌者

君使之代弟子也自此以下辨為之酌

升飲者如初三耦卒飲若賓諸公

卿大夫不勝則不降不執弓耦不升

注此耦謂士也

僕人師洗

升實解以授賓諸公卿大夫受解於席以降適西階上

北面立飲卒解授執爵者反就席

注雖尊亦西階上立飲不可以已尊枉正

罰也授爵而不奠豐尊大夫也

若飲公則侍射者降洗角解升酌散降

拜

注侍射賓也飲君則不敢以為罰從致爵之禮也

公降一等小臣正辭賓升

再拜稽首公答再拜賓坐祭卒爵再拜稽首公答再拜

賓降洗象觶升酌膳以致下拜小臣正辭升再拜稽首

公答再拜公卒觶賓進受觶降洗散觶升實散下拜小

臣正辭升再拜稽首公答再拜

注賓復酌自飲者夾爵也但如致爵則無以異

於燕也夾爵亦所以恥公也所謂若飲君燕則夾爵

賓坐不祭卒觶降奠於篚階

西東面立

注不祭象射爵

擯者以命升賓賓升就席

注擯者司正也

若

諸公卿大夫之耦不勝則亦執弛弓特升飲

注此耦亦謂士也特

猶獨也與卑為耦而又不勝使之獨飲若無倫匹孤賤也

衆皆繼飲射爵如三耦射

爵辯乃徹豐與觶

蕙田案以上飲不勝者

司宮尊侯於服不之東北兩獻酒東面南上皆加勺設

洗於尊西北篚在南東肆實一散於篚

注為大侯獲者設尊也言尊侯

者獲者之功由侯也不於初設之者不敢必君射也君不射則不獻大侯之獲者散爵名容五升

教氏繼公曰為三侯之獲者及隸僕人中車設尊而言尊侯者以其功皆由侯也兩兩壺也或脫一壺字耳兩壺皆酒而云南上是先酌所上者與加勺東枋此在大侯之乏東北乃云服不者見此時服不在乏

也不於初設之者因事而獻故其尊亦侯時而設所以別於正獻者也此所設尊洗之類即篇首所言者也上言獲者之尊此云尊侯上言大侯之乏此云服不文互見耳又文亦有詳畧則以設與未設而異也盛氏世佐曰教說是注以此尊專為大侯獲者設非三侯之獲者其功同其人相去亦不遠何必異尊上經云大侯之乏東北此經云服不之東北其地一地而兩尊或先或後亦理之所無者注又云君不射則不獻大侯之獲者尤屬飾說因燕而射君或可以不與未聞大射君不與者也君若不射射義何以言君臣盡志於射乎云南上是亦有玄酒矣獻獲者而有玄酒以祭侯故重之也

蕙田案此所設尊洗在侯乏之間則必侯時而設恐早設之而妨獲者執旌之往來也與

君之射不射無涉鄭云君不射固非盛說亦

未盡

司馬正洗散遂實爵獻服不

注言服不者著其官尊大侯也服不司馬之屬掌養

猛獸而教擾之者洗酌皆西面

服不侯西北三步北面拜受爵

注近其所為獻

司馬正西面拜送爵反位

注不侯卒爵畧賤也此終言之獻服不之徒乃反位疏

服不祭侯而後卒爵今司馬反位在未祭侯之前是畧賤也雖不侯卒爵然亦必兼獻其徒而後始反位 宰

夫有司薦庶子設折俎

注宰夫有司宰夫之吏也鄉射記曰獲者之俎折脊脅肺 卒

錯獲者適右个薦俎從之

注不言服不言獲者國君大侯服不負侯其徒居乏待獲



變其文容二人也司馬正皆獻之薦俎已錯乃適右个明此獻已已歸功於侯也適右个由侯內鄉射記曰東方謂之右个

張氏爾岐曰信如注言司馬正並獻二人當用二爵經文明言實一散於籩安得有二爵乎司馬正所獻決是服不氏一人其徒則司馬師獻隸僕巾車後乃獻之服不本下士其徒庶人在官者故可後也

獲者左執爵右祭薦俎二手祭酒

注祭俎不奠爵不備禮也二手祭酒者獲

者南面於俎北當為侯祭於豆間爵反注為一手不能正也此薦俎之設如於北面人馬天子祝侯曰維若寧侯無或若女不寧侯不屬於王所故抗而射女彊飲彊食貽女曾孫諸侯百福諸侯以下祝辭未聞適左

个祭如右个中亦如之卒祭左个之西北三步東面

注東

面受獻之位也不北

設薦俎立卒爵

注不言不拜既爵司馬正已反位不

拜可知也鄉射禮曰

司馬師受虛爵洗獻隸僕人與巾

車獲者皆如大侯之禮

注隸僕人埽侯道巾車張大侯及參侯干侯之獲者其受獻之

禮如服不也隸僕人巾車於服不之位受之功成於大侯也不言量人者此自後以及先可知

卒司馬

師受虛爵奠於篚

注獲者之篚

獲者皆執其薦庶子執俎從

之設於乏少南

注少南為復射妨旌也隸僕人巾車量人自服不而南

服不復負

侯而侯司射適階西去扑適堂西釋弓說決拾襲適洗

洗觚升實之降獻釋獲者於其位少南

注獻釋獲者與獲者異文武不

同也去扑者扑不升堂也少南辟中

薦脯醢折俎皆有祭

注俎與服不同惟祭一為異

釋獲者薦右東面拜受爵司射北面拜送爵釋獲者就

其薦坐左執爵右祭脯醢興取肺坐祭遂祭酒

注祭俎不奠爵

亦賤不備禮

興司射之西北面立卒爵不拜既爵司射受虛

爵奠於篚釋獲者少西辟薦反位司射適堂西袒決遂

取弓挾一个適階西搯扑以反位

注為將復射

蕙田案以上獻服不及釋獲者第二番射事

竟

司射倚扑於階西適阼階下北面請射於公如初

注不升堂

賓諸公卿大夫既射矣聞之可知

反搢扑適次命三耦皆袒決遂執弓

序出取矢

注鄉言拾是言序互言耳

司射先反位

注言先先三耦也司射既命三耦以

入次之事即反位三耦入次袒決遂執弓挾矢乃出反次外西面位

三耦拾取矢如初小

射正作取矢如初

注小射正司射之作取矢禮殺代之佐

三耦既拾取矢

諸公卿大夫皆降如初位與耦入於次皆袒決遂執弓

皆進當楅進坐說矢束上射東面下射西面拾取矢如

三耦

注凡繼射命耦而已不作射不作取矢從初疏言凡繼射命耦者前三耦卒射後大夫降至三耦

之南西面北上司射東面於大夫西北耦大夫與大夫  
命上射曰某御於子命下射曰子與某子射卒遂比衆  
耦云云至公即席後賓升階復位還筵而後卿大夫繼  
射後衆皆繼射釋獲皆如初注云諸公卿言取弓矢衆  
言釋獲互言也既司射所作唯上耦是此文小射正但  
作三耦拾取矢公以下亦無作拾文故曰不作取矢從  
耦法也

初從三若士與大夫為耦士東面大夫西面大夫進坐

說矢東退反位

注說矢來自同於三耦謙也

耦揖進坐兼取乘矢興

順羽且左還毋周反面揖

注兼取乘矢不敢與大夫拾

大夫進坐亦

兼取乘矢如其耦北面搢三挾一个揖進大夫與其耦

皆適次釋弓說決拾襲反位諸公卿升就席

注大夫反位諸公卿

乃升就席大夫與已上下位 疏公卿乃上大衆射者  
夫雖取矢在前猶待下大夫反位乃升就席

繼拾取矢皆如三耦遂入於次釋弓矢說決拾襲反位

蕙田案以上將以樂射射者拾取矢

司射猶挾一个以作射如初一耦揖升如初司馬升命

去侯負侯許諾司馬降釋弓反位司射與司馬交於階

前倚扑於階西適阼階下北面請以樂於公公許

注請奏樂

以為節也始射獲而未釋獲復釋獲復用樂行之君子  
之於事也始取苟能中課有功終用成法教化之漸也  
射用應樂為難孔子曰射者何以聽循  
聲而發發而不失正鵠者其惟賢者乎  
司射反搢扑東

面命樂正曰命用樂

注言君有命用樂射也樂正在工南北面

樂正曰諾司

射遂適堂下北面視上射命曰不鼓不釋

注不與鼓節相應不釋算

也鼓亦樂之節學記曰鼓無當於五聲五聲不得不和凡射之鼓節投壺其存者也周禮射節天子九諸侯七鄉大夫以下五上射揖司射退反位樂正命大師曰奏貍首間

若一

注樂正西向受命左還東面命太師以大師之樂章使奏之也貍首逸詩曾孫也貍之言不來也其

詩有射諸侯首不朝者之言因以名篇後世失之謂之曾孫曾孫者其章頭也射義所載詩曰曾孫侯氏是也以為諸侯射節者采其既有弧矢之威又言小大莫處御於君所以燕以射則燕則譽有樂以時會君事之志也間若一者調其聲之疏數重節

蕙田案狸首鄭以為即射義曾孫節劉敞以  
為即召南之鵲巢篆文狸似鵲首似巢鄭因  
下文有詒女曾孫之云而狸之言不來也詩  
有射諸侯首不朝之言與考工記祭侯之辭  
義相近故傳會其說未免牽強然劉敞鵲巢  
之說尤為穿鑿當以為逸詩不必求詩以實  
之

大師不興許諾樂正反位奏狸首以射三耦卒射賓待



於物如初公樂作而后就物稍屬不以樂志其他如初

儀

注不以樂志君之射儀遲速從心其發不必應樂  
辟不敏也志意所擬度也春秋傳曰吾志其目

卒

射如初賓就席諸公卿大夫衆射者皆繼射釋獲如初  
卒射降反位釋獲者執餘獲進告左右卒射如初

### 蕙田案以上三射以樂節射

司馬升命取矢負侯許諾司馬降釋弓反位小臣委矢  
司馬師乘之皆如初司射釋弓視算如初釋獲者以賢  
獲與釣告如初復位

蕙田案以上取矢數獲如初

司射命設豐實觶如初遂命勝者執張弓不勝者執弛弓升飲如初卒退豐與觶如初

蕙田案以上樂射後飲不勝者如初

司射猶袒決遂左執弓右執一个兼諸弦面鏃適次命

拾取矢如初

注側持弦矢曰執面猶尚也兼矢於弦尚鏃將止變於射也

司射反位

三耦及諸公卿大夫衆射者皆袒決遂以拾取矢如初

矢不挾兼諸弦面鏃退適次皆授有司弓矢襲反位

注不

挾亦謂執卿大夫升就席之如司射

蕙田案以上樂射後拾取矢如初

司射適次釋弓說決拾去扑襲反位司馬正命退福解網小臣師退福巾車量人解左下綱司馬師命獲者以

旌與薦俎退

注解猶釋也

司射命釋獲者退中與算而俟

注諸

所退射器皆俟備君復射釋獲者亦退其薦俎

蕙田案以上三射射事終

公又舉奠觶唯公所賜若賓若長以旅於西階上如初

大夫卒受者以虛解降奠於篚反位

敖氏繼公曰此一舉解當在未立  
司正之前乃降於此者為射故也

蕙田案以上為大夫舉旅酬

司馬正升自西階東楹之東北面告於公請徹俎公許

注射事既畢禮殺  
人僊宜徹俎燕坐

遂適西階上北面告於賓賓北面取

俎以出諸公卿取俎如賓禮遂出授從者於門外大夫

降復位

注射門東北面位  
皆送俎不可獨立

疏大夫雖無俎以賓及公卿  
於堂故降復位云門東北面

位者謂初小臣納鄉  
大夫門東北面揖位

庶子正徹公俎降自阼階以東

注射

自阼階若親徹也  
以東去藏

賓諸公卿皆入門東面北上

注諸公卿不入門而

右以將燕亦因從賓

司正升賓賓諸公卿大夫皆說屨升就席公

以賓及卿大夫皆坐乃安

注羣命以我安臣於君尚猶踧踖至此乃敢安

羞庶

羞大夫祭薦司正升受命皆命公曰衆無不醉賓及諸

公卿大夫皆興對曰諾敢不醉皆反位坐

蕙田案以上徹俎脱屨安坐

又案以下儀節皆與燕禮相同

主人洗酌獻士於西階上士長升拜受觶主人拜送

注獻

士用解

士坐祭立飲不拜既爵其他不拜坐祭立飲

注其

他謂衆士也

乃薦司正與射人於觶南北面東上司正

為上

注司正射人士也以齒受獻既乃薦之也司正大射正也射人小射正畧其佐

疏案燕禮薦司正

與射人一人司士一人執筯二人此不言其數又不言司士與執筯文不具

辯獻士士既獻

者立於東方西面北上乃薦士

注士既獻易位者以卿大夫在堂臣位尊東也

畢獻薦之畧賤

祝史小臣師亦就其位而薦之

注亦者亦士也辨獻乃薦也祝

火門東北

面東上

教氏繼公曰此獻史蓋小史也大史釋獲鄒已受獻

主人就士旅食之尊而獻之旅食不拜受爵坐祭立飲  
主人執虛爵奠於篚復位

蕙田案以上主人獻士及旅食

賓降洗升媵觶於公酌散下拜公降一等小臣正辭賓  
升再拜稽首公答再拜賓坐祭卒爵再拜稽首公答再  
拜賓降洗象觶升酌膳坐奠於薦南降拜小臣正辭賓  
升成拜公答拜賓反位

注此觶  
當作解

公坐取賓所媵觶興唯

公所賜受者如初受酬之禮降更爵洗升酌膳下再拜

稽首小臣正辭升成拜公答拜乃就席坐行之有執爵者唯受於公者拜司正命執爵者爵辯卒受者興以酬士大夫卒受者以爵興西階上酬士士升大夫奠爵拜士答拜大夫立卒爵不拜實之士拜受大夫拜送士旅於西階上辯士旅酌

蕙田案此篇徧字皆作辯古字同尚書徧於羣神史記作辯左傳子言辯舍爵於季氏之廟而出是也



又案以上賓舉爵為士旅酬

若命曰復射則不獻庶子

注獻庶子則正禮畢後無事

司射命射唯

欲

注司射命賓及諸公卿大夫射欲者則射不欲者則止可否之事從人心也

卿大夫皆降

再拜稽首公答拜

注拜君樂與臣下執事無已不言賓賓從羣臣禮在上

教氏繼公曰拜拜君命也公不辭之而即答拜者以賓不在其中也賓不與此拜者以與君為耦射否宜由君不敢從唯欲之命也

壹發中三侯皆獲

教氏繼公曰以其非正射故上下射惟拾發一矢以其壹發故雖中非其侯而亦獲是禮亦因而然也唯

公則中離維網楊觸捆復而皆復上云退中與算而  
俟至是則亦設中執算而釋復矣釋復則有飲射爵  
之事也

蕙田案以上坐燕時復射

主人洗升自西階獻庶子於阼階下如獻士之禮辯獻  
降洗遂獻左右正與內小臣皆於阼階下如獻庶子之  
禮

蕙田案以上主人獻庶子以下獻禮終

無算爵

注算數也爵行無次  
數唯意所歡醉而止

士也有執膳爵者有執散

爵者執膳爵者酌以進公公不拜受執散爵者酌以之

公命所賜所賜者興受爵降席下奠爵再拜稽首公答

再拜

注席下席西

受賜爵者以爵就席坐公卒爵然後飲

注酬

之禮爵代舉今爵並行嫌不代也

並行猶代者明勸惠從尊者來

執膳爵者受公爵酌

反奠之

注燕之歡在飲酒成其意也

受賜者興授執散爵者執散爵

者乃酌行之

注與其所歡者

唯受於公者拜卒爵者興以酬士

於西階上士升大夫不拜乃飲實爵

注乃猶而也

士不拜受

爵大夫就席士旅酌亦如之公有命徹簾則賓及諸公

卿大夫皆降西階下北面東上再拜稽首公命小臣正  
辭公答拜大夫皆辟升反位士終旅於上如初無算樂  
宵則庶子執燭於阼階上司宮執燭於西階上甸人執  
大燭於庭閤人為燭於門外

蕙田案以上無算爵燕禮畢

賓醉北面坐取其薦脯以降

注取脯重得君之賜

奏陔

注陔夏樂章也其歌

頌類也以鐘鼓奏之其篇今亡

賓所執脯以賜鐘人於門內雷遂出

注必

賜鐘人鐘人以鐘鼓奏陔夏賜之脯明雖醉志禮不忘樂

卿大夫皆出

注從賓出

公不送

注臣也與之安燕

公入驚

注驚夏亦樂章也以鐘鼓奏之其詩今亡此公出而言入

者射宮在郊以將還為入燕不驚者於路寢無出入也

蕙田案教繼公云入謂降而入於內也燕禮

不言公入此言公入者為奏驚而見之也案

公出入奏驚夏但此奏驚尚在射所非路寢

盖射所之入既已奏驚至入路寢又當奏之

經文省耳

又案以上賓出公入

又案此篇於未射之前先行燕禮則與燕禮篇相為表裏也射之時分為三次其儀節則與鄉射禮篇相為表裏也

右儀禮大射儀



五禮通考卷一百六十一

# 欽定四庫全書

經部

五禮通考卷一百六十二

詳校官太常寺少卿<sub>臣</sub>陳桂林

給事中<sub>臣</sub>溫帶綬覆勘

總校官進士<sub>臣</sub>繆琪

校對官中書<sub>臣</sub>李奎

謄錄監生<sub>臣</sub>儲夏書

欽定四庫全書

五禮通考卷一百六十二

刑部尚書秦蕙田撰

嘉禮三十五

射禮

儀禮鄉射禮

鄭目錄云州長春秋以禮會民而射于州序之禮謂之鄉者州鄉之屬鄉大夫或在

焉不改其禮於

五禮屬嘉禮

張氏補注曰據注此州長射禮而云鄉射者周禮五州為鄉一鄉管五州鄉大夫或宅居一州之內來臨



此射禮又鄉大夫大比興賢能訖而以射之  
禮五物詢衆庶亦行此禮故名鄉射禮也

鄉射之禮主人戒賓賓出迎再拜主人答再拜乃請

注主

人州長也鄉大夫若在焉則稱鄉大夫也戒猶警也語  
也出迎出門也請告也告賓以射事不言拜辱此為習  
民以禮樂不主為賓已也不謀賓者時不獻賢能事輕  
也今郡國行此禮以季春周禮鄉老及鄉大夫三年正  
月獻賢能之書於王退而以鄉射之禮五物詢衆庶諸  
侯之鄉大夫既貢士於其君亦用此禮射而詢衆庶乎  
疏案鄉大夫是諸侯鄉大夫則此州長亦諸侯之州  
長以士為之是以經云釋獲者執鹿中而記云士鹿中  
也若天子州長賓禮辭許主人再拜賓答再拜主人退  
中大夫為之矣

賓送再拜

注退還射宮  
省錄射事

無介

注雖先飲酒生於射  
也其序賓之禮畧

蕙田案以上戒賓

乃席賓南面東上

注不言於戶牖之間者此射於序  
疏此射於序鄉飲酒在序以其序無

室庠有室無室則無戶牖設席亦當戶牖之處耳言東  
上亦主人在東故席端在東不得以曲禮席南向北向  
以東方為  
上解之衆賓之席繼而西

注言繼者甫欲習衆庶未  
有所殊別  
疏鄉飲酒三

賓之席不屬彼興  
賢能故有殊別

席主人於阼階上西面

注阼階  
東階

尊於

賓席之東兩壺斯禁左玄酒皆加勺篚在其南東肆

注  
斯

禁禁切地無足者也設尊者北面西曰左尚之也  
肆陳也疏左玄酒據人設尊北面故以西為左

設洗

于阼階東南南北以堂深東西當東榮水在洗東篚在

洗西南肆

注榮屋翼

縣于洗東北西面

注此縣謂磬也縣於東方辟射位也但縣

磬者半天子

乃張侯下綱不及地武

注侯謂所射布也綱持舌繩也武迹

也中人之迹尺二寸侯象人綱即其足也是以取數焉

不繫左下綱中掩束之事

注

未至也

乏參侯道居侯黨之一西五步

注容謂之乏所以為獲者御矢也侯

道五十步此乏去侯北十丈西三丈

蕙田案以上設席陳器具饌張侯

羹定

注肉謂之羹定猶熟也謂狗熟可食

主人朝服乃速賓賓朝服出迎

再拜主人答再拜退賓送再拜

注速召也射賓輕也戒時玄端今郡國行此鄉

射禮皮弁服與禮為異

賓及衆賓遂從之及門主人一相出迎于

門外再拜賓答再拜

注相主人家臣攢贊傳命者

揖衆賓

注差卑禮宜異

主

人以賓揖先入

注以猶與也先入門右西面

賓厭衆賓衆賓皆入門

左東面北上賓少進

注引手曰厭少進差在前也

主人以賓三揖皆

行及階三讓主人升一等賓升

注三讓而主人先升者是主人先讓於賓不俱

升者賓客之道進宜難也

主人阼階上當楣北面再拜賓西階上當

楣北面答再拜

注主人拜賓至此堂

蕙田案以上迎賓拜至

主人坐取爵于上篚以降

注將獻賓也

賓降

注從主人也

主人阼

階前西面坐奠爵興辭降

注重以主人事煩賓也

賓對主人坐取

爵興適洗南面坐奠爵于篚下盥洗

注盥手又洗爵致潔敬也

賓進

東北面辭洗

注必進者方辭洗宜遠位也言東北面則位南於洗矣

主人坐奠爵

于篚興對賓反位

注反從降之位也鄉飲酒曰當西序東面

主人卒洗壹揖

壹讓以賓升賓西階上北面拜洗主人阼階上北面奠

爵遂答拜乃降

注乃降將更盥也

賓降主人辭降賓對主人卒

盥壹揖壹讓升賓升西階上疑立

注疑止也有矜莊之色

主人坐

取爵實之賓席之前西北面獻賓

注進於賓也凡進物曰獻

賓西階

上北面拜主人少退

注少退猶少辟也

賓進受爵于席前復位

注復位西階上位

主人阼階上拜送爵賓少退薦脯醢

注薦進

賓

升席自西方

注賓升降由下也東又於席西拜便故升降由下

疏以主人在

乃設折

俎

注牲體枝解節折以實俎也

主人阼階東疑立賓坐左執爵右祭

脯醢奠爵于薦西興取肺坐絕祭

注卻左手執本右手絕末以祭也肺離上

為本下為末

尚左手齊之

注齊嘗也右手在下絕以授口嘗之

興加于俎坐扱

手執爵遂祭酒興席末坐啐酒

注扱拭也啐嘗也

降席坐奠爵

拜告旨

注降席席西也旨美也

執爵興主人阼階上答拜賓西階

上北面坐卒爵興坐奠爵遂拜執爵興

注卒盡

主人阼階

上答拜

蕙田案以上主人獻賓

賓以虛爵降

注將洗以酢主人

主人降

注從賓也降立阼階東西面當東序

賓西

階前東面坐奠爵興辭降主人對賓坐取爵適洗北面

坐奠爵于篚下興盥洗

注賓北面盥洗自外來疏對主人自內出南面也

主人

阼階之東南面辭洗賓坐奠爵于篚興對主人反位

注反

位反從降之位也  
主人辭洗進也

賓卒洗揖讓如初升主人拜洗賓答

拜興降盥如主人之禮賓升實爵主人之席前東南面

酢主人

注酢報初則一揖

疏言如讓也

主人阼階上拜賓少退主人

進受爵復位賓西階上拜送爵薦脯醢主人升席自北

方乃設折俎祭如賓禮

注祭薦俎及酒亦齊啐

不告旨

注酒已物

自席

前適阼階上北面坐卒爵興坐奠爵遂拜執爵興賓西

階上北面答拜

注自由也啐酒於席末由前降便也

主人坐奠爵於序端

阼階上再拜崇酒賓西階上答再拜

注序端東序頭也崇充也謝酒惡相



欽定四庫全書

卷一百六十二

充滿也

疏奠爵于序

端此擬下獻衆賓也

蕙田案以上賓酢主人

主人坐取觶于篚以降

注將酬賓

賓降主人奠觶辭降賓對

東面立主人坐取觶洗賓不辭洗

注不辭洗以其將自飲

卒洗揖

讓升賓西階上疑立主人實觶酬之阼階上北面坐奠

觶遂拜執觶興

注酬勸酒

賓西階上北面答拜主人坐祭遂

飲卒觶興坐奠觶遂拜執觶興賓西階上北面答拜

張氏爾岐曰主人先自飲所以為勸也

主人降洗賓降辭如獻禮

注以將酌已

升不拜洗

注酬禮殺也

賓

西階上立主人實觶賓之席前北面

注賓酬

賓西階上拜

主人坐奠觶于薦西賓辭坐取觶以興反位

注賓辭辭主人復親

酌已

主人阼階上拜送賓北面坐奠觶于薦東反位

注酬酒不

舉

蕙田案以上主人酬賓

主人揖降賓降東面立于西階西當西序

注主人將與衆賓為禮賓

謙不敢獨居堂

主人西南面三拜衆賓衆賓皆答壹拜

注三拜示偏也

壹拜不備禮也獻賓畢乃與衆賓拜敬不能並疏衆賓無問多少止為三拜而已是示徧也衆賓人皆一拜是不備禮也此亦答大夫拜法若答士拜則亦再拜見于特牲也云獻賓畢乃與衆賓拜者自爾來唯與賓拜未與衆賓拜今始拜之故云敬不能並主人揖升坐取爵于序端降洗升

實爵西階上獻衆賓衆賓之長升拜受者三人

注長其老者言

三人則衆賓多矣國以多德行道藝為榮何常數之有乎疏此雖非賓賢能其衆亦三人在堂上與鄉飲酒數同其堂下衆賓無定數故鄭云衆賓多矣主人拜送注拜送爵於衆賓右坐祭立飲

不拜既爵授主人爵降復位

注既盡疏此還據堂上三人者降復賓南東面位

衆賓皆不拜受爵坐祭立飲

注自第四以下又不拜受爵禮彌畧疏此謂堂下

衆賓無數者也

每一人獻則薦諸其席

疏此還據堂上三人有席者故云薦諸其席謂

席前也

衆賓辯有脯醢

注薦於其位者故鄭云薦於其位不云席也

疏還據堂下無席

主人以虛爵降奠于篚

注不復用

蕙田案以上主人獻衆賓

揖讓升賓厭衆賓升衆賓皆升就席一人洗舉觶於賓

注一人主人之吏疏主人之吏亦謂府史以下非屬官也

升實觶西階上坐奠觶

拜執觶興賓席末答拜舉觶者坐祭遂飲卒觶興坐奠

觶拜執觶興賓答拜降洗升實之西階上北面

注將進奠觶

賓拜

注拜受解

舉解者進坐奠解于薦西

注不授賤不取也

賓辭坐

取以興

注若親受然

舉解者西階上拜送賓反奠于其所舉

解者降

疏云反奠于其所者還於薦西以其射後賓北而舉之為旅酬故不奠於薦東也

蕙田案以上一人舉解

大夫若有遵者則入門左

注為此鄉之人為大夫者也謂之遵者方以禮樂化民欲

其遵法之也其士也於旅乃入鄉大夫士非鄉人禮亦然

主人降

注迎大夫於門內也

賓及衆賓皆降復初位

注不敢居堂俟大夫入也初位門內東面

主人揖讓

以大夫升拜至大夫答拜主人以爵降大夫降主人辭

降大夫辭洗如賓禮席于尊東

注尊東明與賓夾尊也  
不言東上統於尊也

升不拜洗主人實爵席前獻於大夫大夫西階上拜進

受爵反位主人大夫之右拜送大夫辭加席主人對不

去加席

注辭之者謙不以已尊加賢者也  
去者大夫再重席正也賓一重席

乃薦脯醢

大夫升席設折俎祭如賓禮不躋肺不啐酒不告旨西

階上卒爵拜主人答拜

注凡所不者殺於賓  
也大夫升席由東方

大夫降洗

注將酢主人也大夫  
若衆則辯獻長乃酬

主人復阼階降辭如初卒洗主人

盥

注盥者雖將酌自  
飲尊大夫不敢褻

揖讓升大夫授主人爵于兩楹間

復位主人實爵以酢於西階上坐奠爵拜大夫答拜坐

祭卒爵拜大夫答拜主人坐奠爵于西楹南再拜崇酒

大夫答拜主人復阼階揖降

疏為士於旅乃入擬獻士故奠爵於西楹南

大

夫降立于賓南

注雖尊不奪人之正禮

主人揖讓以賓升大夫及

衆賓皆升就席

蕙田案以上遵入獻酢之禮

席工于西階上少東樂正先升北面立于其西

注言少東者明

樂正西側階不欲大東辟射位

工四人二瑟瑟先相者皆左何瑟面鼓

執越內弦右手相入升自西階北面東上工坐相者坐

授瑟乃降

注相扶工也面前也鼓在前變于君也執越

聲也前越言執者內有弦結笙入立於縣中西面

注堂下樂

相從也縣中

乃合樂周南關雎葛覃卷耳召南鵲巢采

繁采蘋

注不歌不笙不間志在射畧於樂也不畧合樂

者周南召南之風鄉樂也不可畧其正也疏

鄉飲酒禮燕禮作樂四節今不歌不笙不間唯有合樂

故云志在射畧於樂也二南是大夫士之鄉樂已之正

樂故云不可畧其正也

工不興

注翬矇禮畧也

告于賓乃降

注樂正降者堂上正樂

主人取爵于上篚



獻工大師則為之洗賓降主人辭降

注大夫不降尊也

工不辭

洗卒洗升實爵工不興左瑟一人拜受爵主人阼階上  
拜送爵薦脯醢使人相祭工飲不拜既爵授主人爵衆  
工不拜受爵祭飲辯有脯醢不祭不洗遂獻筮于西階  
上筮一人拜于下盡階不升堂受爵主人拜送爵階前  
坐祭立飲不拜既爵升授主人爵衆筮不拜受爵坐祭  
立飲辯有脯醢不祭主人以爵降奠于篚反升就席主  
人降席自南方

注禮殺由便

側降

注賓不作相為司正司正

禮辭許諾主人再拜司正答拜

注爵備樂畢將留賓以事為有懈倦失禮立司

正以監之察儀法也詩云既立之監或佐之史

主人升就席司正洗觶升自西

階由楹內適阼階上北面受命于主人西階上北面請

安于賓賓禮辭許司正告于主人遂立于楹間以相拜

主人阼階上再拜賓西階上答拜皆揖就席司正實觶

降自西階中庭北面坐奠觶興退少立進坐取觶興反

坐不祭遂卒觶興坐奠觶拜執觶興洗北面坐奠于其

所興少退北面立于觶南未旅

注旅序也未以次序相酬將射也

蕙田案以上合樂樂賓獻工與笙立司正

三耦俟于堂西南面東上

注司正既立司射選弟子之中德行道藝之高者以為三

耦使俟事於此

郝氏敬曰凡射二人為耦天子六耦諸侯四耦

大夫士三耦謂之正耦鄉射正耦三用六人

張氏爾岐曰自此下始言射事射凡三番第一番三

耦之射獲而不釋獲第二番賓主大夫衆賓耦射釋

獲升飲第三番以樂節射此下至乃復求矢加于楅

言三耦之射司射請射于賓命弟子納射器比三耦

司馬命張侯又命倚旌樂正請樂器三耦取弓矢司

射誘射乃作三耦射司馬命設楅取矢凡九節射之

第一番也

司射適堂西袒決遂取弓于階西兼挾乘矢升自西階

階上北面告于賓曰弓矢既具有司請射

注司射主人之吏也於堂

西袒決遂者主人無次隱蔽而已袒左免衣也決猶闐也。以象骨為之著右大擘指以鈎弦闐體也。遂射韝也。以韋為之所以遂弦者也。其非射時則謂之拾拾歛也。所以蔽膚歛衣也。方持弦矢曰挾乘矢四矢也大射曰挾乘矢於弓外見鏃於附右巨指鈎弦。疏大射諸侯禮有大射正為長射人次之司射又次之小射正次之。皆是士為之則此大夫士禮不得用士故知是主人之吏。賓對曰某不能為二三子

許諾

注言某不能謙也。二三子謂眾賓已下。

司射適阼階上東北面告于

主人曰請射于賓賓許司射降自西階階前西面命弟

子納射器

注弟子賓黨之年少者也納內也射器弓矢決拾旌中籌福豐也賓黨東面主人之吏西

面乃納射器皆在堂西賓與大夫之弓倚于西序矢在

弓下北括衆弓倚於堂西矢在其上

注上堂西廉矢亦北括疏序在堂

上故矢在弓下堂西在堂下故矢隨其弓而直堂西廉稜之上也

主人之弓矢在東序

東

注亦倚于東序也矢在其下北括

司射不釋弓矢遂以比三耦於堂

西三耦之南北面命上射曰某御於子命下射曰子與

某子射

注比選次其才相近者也

司正為司馬

注兼官由便也立司正為涖酒爾今射司

正無事

司馬命張侯弟子說東遂繫左下綱

注事至也

司馬又

命獲者倚旌于侯中

注為當負侯也獲者亦弟子也謂之獲者以事名之

獲者由

西方坐取旌倚于侯中乃退樂正適西方命弟子贊工

遷樂于下

注當辟射也贊佐也遷徙也

弟子相工如初入降自西階

阼階下之東南堂前三筭西面北上坐

注筭矢幹也疏矢人注矢幹

長三尺是去堂九尺也

樂正北面立于其南

注北面鄉堂不與工序

盛氏世佐曰以上三節皆一時事當司射比三耦之時司馬即命張侯倚旌而樂正命遷樂矣經文序事不得不得爾非真有先後也

蕙田案以上請射納射器比耦張侯遷樂

司射猶挾乘矢以命三耦各與其耦讓取弓矢拾

注猶有故

之辭拾更也 疏更遞取弓矢見威儀也非決拾之拾

三耦皆袒決遂有司左執

弣

注有司弟子納射器者也

右執弦而授弓遂授矢三耦皆執弓搯

三而挾一个

注搯插也插於帶右

司射先立于所設中之西南東

面三耦皆進由司射之西立于其西南東面北上而俟

司射東面立于三耦之北搯三而挾一个揖進當階北

面揖及階揖升堂揖豫則鈎楹內堂則由楹外

注鈎楹繞楹而

東也序無室可以深也豫讀如成周宣榭災之榭周禮作序凡屋無室曰榭

蕙田案教氏繼公曰今文豫作序序之文意  
明白于豫且記亦以序與堂對言宜從今文  
序州黨之學也堂即庠鄉學也州屬於鄉黨  
屬於州則三者之學其大小淺深有差矣鄭  
謂序乃夏后氏之學故不從今文作序而從  
古文作豫又破為榭州長職春秋以禮會民  
而射于州序此即鄉射之事鄭注禮記亦以  
序為州黨之學何於此獨為異說乎當從教



氏

當左物北面揖及物揖左足履物不方足還視侯中俯

正足

注方猶併也志在於射左足至右足還併足則是立也南面視侯之中乃俯視併正其足

不去

旌

注以其不獲

誘射

注誘猶教也

將秉矢

注將行也行四矢

執弓不挾

注不

挾矢

右執弦南面揖揖如升射降出于其位南適堂西

改取一个挾之遂適階西取扑搯之以反位

注扑所以撻犯教者

書云扑作教刑

蕙田案以上三耦就位司射誘射

司馬命獲者執旌以負侯

注欲令射者見侯與旌深有志於中

獲者適侯

執旌負侯而侯

注侯待也

教氏繼公曰使之執旌于侯中以示

射者若謂中侯則舉此而言獲然

司射還當上耦西面作上耦射

注還左還也作使也

司射反位上

耦揖進上射在左並行當階北面揖及階揖上射先升

三等下射從之中等

注中猶問也

上射升堂少左下射升上

射揖並行

注並併也并東行

皆當其物北面揖及物揖皆左足

履物還視侯中合足而侯

欽定義疏此儀一如誘射但于其行也言左言並於其升也言先言從則以誘射一人射偶二人故也

司馬適堂西不決遂袒執弓

注不決遂因不射不備

出于司射之

南升自西階鉤楹由上射之後西南面立於物間右執

簫南揚弓命去侯

注鉤楹以當由上射者之後也簫弓末也大射曰左執附揚猶舉也

獲

者執旌許諾聲不絕以至于乏坐東面偃旌興而俟

注聲

不絕不以宮商不絕而已鄉射威儀省偃猶仆也

司馬出于下射之南還其後

降自西階反由司射之南適堂西釋弓襲反位立于司

射之南

注闔下射者明為二人命去侯

司射進與司馬交于階前相左

由堂下西階之東北面視上射命曰無射獲無獵獲上

射揖司射退反位

注射獲謂夫中人也獵夫從旁疏相左之時在西階之西司馬由北而

西行司射由南而東行各以左相近故云相左也

乃射上射既發挾弓矢而后

下射射拾發以將乘矢

注后後也

獲者坐而獲

注射者中則大言獲獲得

也射講武田之類是以中為獲也

舉旌以宮偃旌以商

注宮為君商為臣聲和律呂相

生

獲而未釋獲

注但大言獲未釋其算

教氏繼公曰第一番射獲者但大言其獲未釋算及第二番射始設中而釋算

張氏爾岐曰釋算取以識中之多寡注上下文皆言  
大言獲疏乃以宮為大言獲商為小言獲是一矢而  
再言獲  
恐未然

卒射皆執弓不挾南面揖揖如升射

注不挾亦右執弦如司射

上射

降三等下射少右從之中等並行上射於左

注降下疏此上射

下射升與降皆上射為先又上射升降皆在左

與升射者相左交於階前相揖

由司馬之南適堂西釋弓說決拾襲而俟於堂西南面

東上三耦卒射亦如之司射去扑倚于西階之西升堂

北面告于賓曰三耦卒射

注去扑乃升不敢佩刑器即尊者之側

賓揖

注以

揖然之

蕙田案以上三耦初射

司射降搢扑反位司馬適堂西袒執弓由其位南進與  
司射交于階前相左升自西階鉤楹自右物之後立于  
物間西南面揖弓命取矢

注揖推之也

獲者執旌許諾聲不

絕以旌負侯而侯

注侯弟子取矢以旌指教之

司馬出于左物之南

還其後降自西階遂適堂前北面立于所設楅之南命

弟子設楅

注楅猶幅也所以承筈齊矢者

乃設楅于中庭南當洗東肆

注東肆  
統于賓

司馬由司射之南退釋弓於堂西襲反位弟子

取矢北面坐委于楅北括乃退司馬襲進當楅南北面

坐左右撫矢而乘之

注撫拊之也就委矢左右手撫而  
四四數分之也上既言襲矣復言

之者嫌有事即袒也凡事升堂乃  
袒疏北括者順射時矢南行也

若矢不備則司馬又

袒執弓如初升命曰取矢不索

注索猶  
盡也

弟子自西方應

曰諾乃復求矢加于楅

蕙田案以上設楅取矢第一番射事竟

司射倚扑于階西升請射于賓如初賓許諾賓主人大

夫若皆與射則遂告于賓適阼階上告于主人主人與

賓為耦

注言若者或射或否在時欲耳

疏射禮三而

止第一番直司射與三耦誘射不釋算第二番  
三耦與衆耦俱射釋算第三番兼有  
作樂為射節賓主大夫則或射或否

張氏爾岐曰自此至釋獲者少西辟薦反位言賓主  
大夫衆賓耦射釋獲升飲之儀射之第二番也司射  
請射比耦三耦取矢于楅衆耦受弓矢序立乃設中  
為釋獲之射三耦射賓主人射大夫射衆賓射司馬  
取矢乘矢司射視釋獲者數獲設豐飲  
不勝者獻獲者獻設獲者凡十三節

遂告于大夫大夫雖衆皆與士為耦以耦告于大夫曰

某御于子

注大夫皆與士為耦謙也來觀禮同爵自相  
與耦則嫌自尊別也大夫為下射而云御于



子尊大夫也士謂衆賓之在下者及羣士來觀禮者也禮一命已下齒于鄉里西階上北面作

衆賓射

注作使

司射降搢扑由司馬之南適堂西立比衆

耦

注衆耦大夫耦及衆賓也命大夫之耦曰子與某子射其命衆耦如三耦

衆賓將與射者

皆降由司馬之南適堂西繼三耦而立東上大夫之耦

為上若有東面者則北上

注言若有者大夫士來觀禮及衆賓多無數也

賓主

人與大夫皆未降

注言未降者見其志在射

司射乃比衆耦辯

注衆賓射

者降比之耦乃偏

蕙田案以上比衆耦繼三耦而立

遂命三耦拾取矢司射反位

注反位者侯其袒決遂來

三耦拾取矢

皆袒決遂執弓進立于司馬之西南司射作上耦取矢

司射反位上耦揖進當楅北面揖及楅揖上射東面下

射西面上射揖進坐橫弓卻手自弓下取一个兼諸附

順羽且興執弦而左還退反位東面揖

注橫弓者南踏弓也卻手由弓下

取矢者以左手在弓表右手從裏取之便也兼并矢於

附當順羽既又當執弦也順羽者手放而下備不整理

也疏表弓背也且興者謂以右手順羽之時則興故

云且也左還者以左手向外而西回也東面揖揖下射

也取矢下射進坐橫弓覆手自弓上取一个興其他如上

射

注覆手由弓上取矢者以左手在弓裏右手從表取之亦便

朱子曰上文東向覆手南踏弓則弦向身此云西向却手南踏弓則弦向外

既拾取乘矢揖皆左還南面揖皆少進當楫南皆左還

北面搯三挾一个

注楫南鄉當楫之位

揖皆左還上射於右

注上射轉

居右便其反位也下射左還少南行乃西面

與進者相左相揖退反位

注相左皆

由進者之北

三耦拾取矢亦如之後者遂取誘射之矢兼乘

矢而取之以授有司于西方而後反位

注取誘射之矢挾五个弟子逆

受於東面位之後

蕙田案以上三耦拾取矢進退相左

衆賓未拾取矢皆袒決遂執弓搯三挾一个由堂西進

繼三耦之南而立東面北上大夫之耦為上

注未猶不也衆賓不

拾者未射無福上矢也言此者嫌衆賓三耦同倫初時有射者後乃射有拾取矢禮也

蕙田案以上衆賓受弓矢序立

司射作射如初一耦揖升如初司馬命去侯獲者許諾

司馬降釋弓反位司射猶挾一个去扑與司馬交于階

前升請釋獲于賓

注猶有故之辭司射既誘射恒執弓挾矢以掌射事備尚未知當教之也

今三耦卒射衆足以知之  
矣猶挾之者君子不必也

賓許降搯扑西面立于所設

中之東北面命釋獲者設中遂視之

注視之當教之

釋獲者執

鹿中一人執算以從之

注鹿中謂射於榭也於庠當兕中

釋獲者坐設

中南當楅西當西序東面興受算坐實八算于中橫委

其餘于中西南末興共而俟

注興還北面受算及東面實之

司射遂進

由堂下北面命曰不貫不釋

注貫猶中也中正不釋算也

上射揖司

射退反位釋獲者坐取中之八算改實八算于中興執

而俟

注執所取算

乃射若中則釋獲者坐而釋獲每一个釋一

算上射於右下射於左若有餘算則反委之

注委餘算禮尚異也

委之合於中西

又取中之八算改實八算于中興執而俟三耦

卒射

教氏繼公曰此節在於次耦升而將射之時後皆如之言三耦卒射者著繼射之節也

蕙田案以上三耦再射釋獲

賓主人大夫揖皆由其階降揖主人堂東袒決遂執弓搯三挾一个賓于堂西亦如之皆由其階階下揖升堂揖主人為下射皆當其物北面揖及物揖乃射卒南面

揖皆由其階階上揖降階揖賓序西主人序東皆釋弓  
說決拾襲反位升及階揖升堂揖皆就席

朱子曰後記有君袒朱襦大夫袒纁襦君  
在大夫射則肉袒然則士射皆肉袒歟

### 蕙田案以上賓主人射

大夫袒決遂執弓措三挾一个由堂西出于司射之西  
就其耦大夫為下射揖進耦少退揖如三耦及階耦先  
升卒射揖如升射耦先降降階耦少退皆釋弓於堂西  
襲耦遂止于堂西大夫升就席

注耦於庭不並  
行尊大夫也

蕙田案以上大夫與耦射

衆賓繼射釋獲皆如初司射所作唯上耦

注於是言唯上耦者嫌賓

主人射亦作之大射三耦卒射司射請于公與賓記云賓主人射則司射擯升降是雖不作猶為擯相之但不請也卒射釋獲者遂以所執餘獲升自西階盡階不升

堂告于賓曰左右卒射降反位坐委餘獲于中西興共

而俟

注司射不告卒射者釋獲者於是有所事宜終之也餘獲餘算也無餘算則空手耳俟俟數也

故氏繼公曰後射者既由司馬之南而適堂西釋獲者乃告卒射也執獲以告已所有事也不升堂降于司射也左右猶言上下射也下文放此



蕙田案以上衆賓繼射釋獲告卒射

司馬袒決執弓升命取矢如初獲者許諾以旌負侯如

初司馬降釋弓反位弟子委矢如初大夫之矢則兼束

之以茅上握馬

注兼束大夫矢優之是以不拾也束於握上則兼取之順羽便也握謂中央也

不束主人矢不可以殊于實也言大夫之矢則矢有題識也肅慎氏貢楷矢銘其括

司馬乘矢如

初

朱子曰注上握之說未明疑束之處當在中央手握處之下使握在上則去鏃近而去羽遠取之便易也

敖氏繼公曰上握謂上于手握之處也  
矢以鏃為上括為下下經云面鏃是也

### 蕙田案以上司馬命取矢乘矢

司射遂適西階西釋弓去扑襲進由中東立于中南北

面視算

注釋弓去扑射事已

釋獲者東面于中西坐先數右獲

注固

東面矣復言之者為其少南就右獲

二算為純

注純猶全也耦陰陽

一純以取實于

左手十純則縮而委之

注縮從也於數者東西為從

每委異之

注易校數

有餘純則橫於下

注又異之也自近為下

一算為奇奇則又縮諸

純下

注奇猶虧也又從之

興自前適左東面

注起由中東就左獲少北於故東面鄉之

疏云少北於故故則右算也又移至左算之後東面向之是以云少北於故

坐兼歛算實于

左手一純以委十則異之

注變於右

疏右則一純取

於左手一一取之於左手委於地體以變為敬也

其餘如右獲

注謂所縮所橫

司射復

位釋獲者遂進取賢獲執以升自西階盡階不升堂告

于賓

注賢獲勝黨之算也齊之而取其餘

若右勝則曰右賢於左若左勝

則曰左賢於右以純數告若有奇者亦曰奇

注賢猶勝也言賢者

射之以中為雋也假如右勝告曰右賢於左若干純若干奇

若左右鈞則左右皆執

一算以告曰左右鈞降復位坐兼歛算實八算于中委

# 其餘于中西興共而俟

盛氏世佐曰此算獲之法合三耦及衆射者而統計之分左右不分各耦下文飲不勝者亦然其間誠有不中而隱此多中而蒙罰者此正聖人深意所在不可不知蓋古者射以觀德賢不肖分焉爭心所易起也若每耦自分勝負則相形之下難乎其為不勝者矣惟如是則其不勝非一人之咎而其勝也亦非一人之長使不能者知恥而勝者亦無所用其矜焉所以潛消其爭鬪之萌而養其寬厚和平之德也鄉射但以習禮樂非以別賢否故爾若夫天子試士于射宮中多者得與于祭中少者不得與于祭其法必與此異而今不可考矣

## 蕙田案以上數獲

司射適堂西命弟子設豐

注將飲不勝者設豐所以承其爵也豐形蓋似豆而卑

弟子奉豐升設于西楹之西乃降勝者之弟子洗觶升

酌南面坐奠于豐上降袒執弓反位

注勝者之弟子其少者也耦不酌下

無能也酌者不授爵畧之也執弓反射位不俟其黨已酌有事

司射遂袒執弓挾一个

搯扑北面于三耦之南命三耦及衆賓勝者皆袒決遂

執張弓

注執張弓言能用之也右手執弦如卒射

不勝者皆襲說決拾卻左

手右加弛弓于其上遂以執弣

注固襲說決拾矣復言之者起勝者也執弛弓

言不能用之也兩手執弣又不得執弦

司射先反位

注居前俟所命來

三耦及衆

射者皆與其耦進立于射位北上司射作升飲者如作

射一耦進揖如升射及階勝者先升堂少右

注先升尊賢也少右

辟飲者也亦相飲之位

疏相飲者

皆北面於西階授者在東飲者在西

朱子曰右自北面而言則東也相

飲之位謂飲之者立于飲者之後

不勝者進北面坐取豐上之觶興少退立卒解進坐奠

于豐下興揖

注立卒解不祭不拜受罰爵不備禮也

不勝者先降與升飲

者相左交于階前相揖出于司馬之南遂適堂西釋弓

襲而俟有執爵者

注主人使贊者代弟子酌也

執爵者坐取觶實之

反奠于豐上升飲者如初三耦卒飲賓主人大夫不勝  
則不執弓執爵者取解降洗升實之以授于席前受解  
以適西階上北面立飲卒解授執爵者反就席大夫飲  
則耦不升若大夫之耦不勝則亦執弛弓特升飲衆賓  
既飲射爵者辯乃徹豐與解

蕙田案以上飲不勝者

司馬洗爵升實之以降獻獲者于侯

注鄉人獲者賤明其主以侯為功得

也獻薦脯醢設折俎俎與薦皆三祭

注皆三祭為其將祭侯也祭侯三處也

獲者負侯北面拜受爵司馬西面拜送爵

注負侯負侯中也拜送爵不同

面者辟正主也其設薦俎西面錯以南為上為受爵于侯薦之于位

獲者執爵使人執其

薦與俎從之適右个設薦俎

注獲者以侯為功是以獻馬人謂主人贊者上設薦

俎者也為設籩在東豆在西俎當其北也言使設新之

獲者南面坐左執爵祭脯

醢執爵興取肺坐祭遂祭酒

注為侯祭也亦二手祭酒反注如大射

興適

左个中亦如之

注先祭左个後中者以外即之至中若神在中也

左个之西北

三步東面設薦俎獲者薦右東面立飲不拜既爵

注不就乏

者明其享侯之餘也立飲薦右近司馬於是司馬北面

司馬受爵奠于篚復位獲



者執其薦使人執俎從之辟設于之南

注遷設薦俎就

也言辟之者不使當位辟舉旌僊旌也設于南右之也凡他薦俎皆當其位之前

獲者負俟而

俟

疏俟第三番射也

司射適階西釋弓矢去扑說決拾襲適洗

洗爵升實之以降獻釋獲者于其位少南薦脯醢折俎

有祭

注不當其位辟中

釋獲者薦右東面拜受爵司射北面拜

送爵釋獲者就其薦坐左執爵祭脯醢興取肺坐祭遂

祭酒興司射之西北面立飲不拜既爵司射受爵奠于

篚釋獲者少西辟薦反位

注辟薦少西之者為復射妨司射視算也亦辟俎

蕙田案以上司馬獻獲者司射獻釋獲者第  
二番射事竟

司射適堂西袒決遂取弓于階西挾一个搯扑以反位  
注為將復射司射去扑倚于階西升請射于賓如初賓許司

射降搯扑由司馬之南適堂西命三耦及衆賓皆袒決  
遂執弓就位司射先反位三耦及衆賓皆袒決遂執弓  
各以其耦進反于射位司射作拾取矢三耦拾取矢如  
初反位賓主人大夫降揖如初主人堂東賓堂西皆袒

決遂執弓皆進階前揖及楫揖拾取矢如三耦卒北面  
揖三挾一个揖退賓堂西主人堂東皆釋弓矢襲及階  
揖升堂揖就席

蕙田案以上三耦賓主人拾取矢

大夫袒決遂執弓就其耦

注降袒決遂於堂西就其耦於射位與之拾取矢

揖

皆進如三耦耦東面大夫西面大夫進坐說矢束

注說矢束

者下耦以將拾取  
大夫西面者為下射故也

興反位而后耦揖進坐兼取

乘矢順羽而興反位揖

注兼取乘矢者尊大夫不敢與之拾也相下相尊君子之所以

相接也

大夫進坐亦兼取乘矢如其耦北面搢三挾一个

注亦於三耦為之位

揖退耦反位大夫遂適序西釋弓矢襲升即

席

注大夫不序於下尊也

衆賓繼拾取矢皆如三耦以反位

蕙田案以上大夫衆賓拾取矢

司射猶挾一个以進作上射如初一耦揖升如初

注進前也

鼎言還當上耦西面是言進終始互相明也

司馬升命去侯獲者許諾司馬

降釋弓反位司射與司馬交于階前去扑襲升請以樂

樂于賓賓許諾司射降搢扑東面命樂正曰請以樂樂

于賓賓許

注東面于西階之前也不就樂正命之者傳尊者之命於賤者遙號令之可也樂正亦許

諾猶北面不還以賓在堂

司射遂適階間堂下北面命曰不鼓不釋

注不與鼓節相應不釋算也鄉射之鼓五節歌五終所以將八矢一節之間當拾發四節四拾其一節先以聽

也疏射人云王以駒虞九節諸侯以貍首七節卿大夫以采蘋五節士以采繁五節鄉大夫士同五節尊卑

樂節雖多少不同四節以盡乘矢則同其餘外皆以聽王九節者五節先以聽諸侯七節者三節先以聽卿大

夫士五節者一節先以聽皆以四節拾發乘矢但尊者先以聽則多卑者先以聽則少優尊者先知審故也

教氏繼公曰鄉射之歌五終而鼓五節其三節先以聽而二節之間拾發乘矢焉射人職所謂五節二正

是也王之大射九節五正諸侯七節三正卿大夫與士同

盛氏世佐曰此當以疏說為是教氏好立異而引周禮射人職為證以愚考之則不然蓋自教說推之則王之九節五正五節之間拾發乘矢而其先以聽者亦四節也夫天子以下降殺以兩禮之大凡也今其先以聽者天子諸侯同為四節而大夫士僅減其一焉固已不倫矣且其拾發乘矢一也而乃有五正三正二正之不同是節之多者似促數而節之少者反舒長此亦理之不可通者蓋射人所云九節七節五節者以樂節言也所云五正三正二正者以其侯采言也鄭注蓋不可易矣何必改先儒已定之說以證已之臆見也又射人所言當屬實射之禮教氏乃以大射目之亦非

上射揖司射退反位樂正東面命太師曰奏騶虞間若

一 注東面者進還鄉大師也騶虞國風召南之詩篇也射義曰騶虞者樂官備也其詩有一發五豝五豮于

嗟騶虞之言樂得賢者衆多嘆思至仁之人以充其官此天子之射節也而用之者方有樂賢之志取其宜也其他賓客卿大夫則歌采蘋間若一者重節疏云間若一者重節者謂五節之間長短希數皆如一則是重樂節也

朱子曰據詩但取一發五祀之義耳騶虞則為仁獸之名以庶類蕃殖美國君之仁如之也樂官備者諸儒有以騶為文王之圃虞為主圃之官故立此義而鄭注因之與其詩箋自相違異今姑從之盛氏世佐曰樂正及大師之位見上遷樂章反位反工南北面位也又案禮射有三大射賓射燕射是也士無大射大夫以下無燕射而有鄉射射義及射人職所言以樂節射之差皆賓射也故與此異鄉射得歌騶虞者二南為鄉學騶虞篇次在召南內故得用之且大夫士與天子遠無嫌于僭也若諸侯之大射

與賓射同大射儀云奏貍首是也以是推之則天子及大夫之大射亦與其賓射同樂可知矣又投壺云命弦者曰請奏貍首投壺大夫士燕射之禮也乃奏貍首者燕禮殺故變而與諸侯之賓射同所謂禮窮則同也然但以瑟奏之而不用金石之樂亦其異也鄉射與投壺雖奏騶虞貍首而其節則止于五下記云歌騶虞若采蘋皆五終是也

# 太師不興許諾樂正退反位

蕙田案以上司射請以樂節射

乃奏騶虞以射三耦卒射賓主人大夫衆賓繼射釋獲

如初卒降射

注皆應鼓與歌之節乃釋算降者衆賓

釋獲者執餘獲升告



左右卒射如初

注卒已也

蕙田案以上三耦賓主人大夫衆賓以樂射

司馬升命取矢獲者許諾司馬降釋弓反位弟子委矢  
司馬乘之皆如初

蕙田案以上樂射取矢數矢

司射釋弓視算如初

注算獲算也

釋獲者以賢獲與鈞告如

初降復位

蕙田案以上樂射視算告獲

司射命設豐設豐實觶如初遂命勝者執張弓不勝者執弛弓升飲如初

蕙田案以上樂射飲不勝者

司射猶袒決遂左執弓右執一个兼諸弦面鏃

注面猶尚也并

矢於弦尚其鏃將止變於射也

適堂西以命拾取矢如初司射反位三

耦及賓主人大夫衆賓皆袒決遂拾取矢如初矢不挾

兼諸弦附以退不反位遂授有司于堂西辯拾取矢揖

皆升就席

注謂賓大夫及衆賓也相俟堂西進立于西階之前主人以賓揖升大夫及衆賓從升立

時少退于大夫三耦  
及弟子自若留下

蕙田案以上拾取矢授有司

司射乃適堂西釋弓去扑說決拾襲反位司馬命弟子

說侯之左下綱而釋之命獲者以旌退命弟子退福司

射命釋獲者退中與算而侯

注諸所退皆侯堂西備復射也旌言以者旌恒執也

獲者釋獲者亦退其薦俎

司馬反為司正退復解南而立

注當監旅酬樂

正命弟子贊工即位弟子相工如其降也升自西階反

坐

注贊工還樂也降時如初入樂正反于西階東北面

蕙田案以上射事畢

賓北面坐取俎西之觶興阼階上北面酬主人主人降

席立于賓東賓坐奠觶拜執觶興主人答拜賓不祭卒

觶不拜不洗實之進東南面

注所不者酬而禮殺也賓立飲疏取俎西之觶者

上一人舉觶于賓賓奠于薦西者也

主人阼階上北面拜賓少退

注少退少遠遁

也主人進受觶賓主人之西北面拜送

注旅酬而同階禮殺也

賓

揖就席主人以觶適西階上酬大夫大夫降席立于主

人之西如賓酬主人之禮

注其既實觶進西南面立鄉所酬

主人揖就

席若無大夫則長受酬亦如之

注長謂以長幼之次酬衆賓

司正升

自西階相旅作受酬者曰某酬某子

注某者字也某子者氏也稱酬者之

字受酬者曰某子旅酬下為上尊之也春秋傳曰字不若子此言某酬某子者射禮畧于飲酒飲酒言某子受

酬以飲酒為主受酬者降席司正退立于西序端東面

注退立俟後酬

者也始升相立階西北面

衆受酬者拜興飲皆如賓酬主人之禮辯

遂酬在下者皆升受酬于西階上

注在下謂賓黨也鄉飲酒記曰主人之贊

者西面北上不與無算爵然後與此異於賓疏引鄉飲酒記者欲見主黨不與酬之義

卒受者以

解降奠于篚司正降復位

蕙田案以上旅酬

使二人舉觶于賓與大夫

注二人主  
人之贊者

舉觶者皆洗觶升

實之西階上北面皆坐奠觶拜執觶興賓與大夫皆席  
末答拜舉觶者皆坐祭遂飲卒觶興坐奠觶拜執觶興  
賓與大夫皆答拜舉觶者逆降洗升實觶皆立于西階  
上北面東上賓與大夫拜舉觶者皆進坐奠于薦右賓  
與大夫辭坐受觶以興舉觶者退反位皆拜送乃降賓  
與大夫坐反奠于其所興若無大夫則唯賓

注長一人  
舉觶如燕

禮勝爵

之為

蕙田案以上二人舉觶

司正升自西階阼階上受命于主人適西階上北面請  
坐于賓賓辭以俎反命于主人主人曰請徹俎賓許司  
正降自西階階前命弟子俟徹俎司正升立于序端賓  
降席北面主人降席自南方阼階上北面大夫降席席  
東南面注俟弟子  
升受俎賓取俎還授司正司正以降自西階  
賓從之降遂立于階西東面司正以俎出授從者主人

取俎還授弟子弟子受俎降自西階以東主人降自阼

階西南立

注以東授主人侍者

大夫取俎還授弟子弟子以降自

西階遂出授從者大夫從之降立于賓南衆賓皆降立于大夫之南少退北上

蕙田案以上徹俎

主人以賓揖讓說屨乃升大夫及衆賓皆說屨升坐

蕙田案以上說屨升坐

乃羞

注燕設啗具所以案酒

無算爵使二人舉觶賓與大夫不興



取奠解飲卒解不拜

注二人謂鄰者二人也使之升立于西階上賓與大夫將旅當執解

也卒解者固不拜矣著之者嫌坐卒爵者拜既爵此坐于席禮既殺不復崇

執解者受解遂

賓之賓解以之主人大夫之解長受

注長衆實長

而錯皆不

拜

注錯者實主人之解以之次賓也實實長之解以之次大夫其或多者迭飲於坐而已皆不拜受禮又殺

也辯卒受者興以旅在下者于西階上

注衆賓之末飲而酬主人之贊

者大夫之末飲而酬賓黨亦錯焉不使執解者酌以其將旅酬不以已尊於人也其末若皆衆賓則先酬主人

之贊者若皆大夫則先酬賓黨長受酬酬者不拜乃飲

卒解以實之

注言酬者不拜者嫌酬堂下異位當拜也

受酬者不拜受

注禮殺雖

受尊者之酬猶不拜

**辯旅皆不拜**

注主人之贊者於此始旅嫌有拜

**執解者皆與**

**旅**

注嫌已飲不復飲也上使之勸人耳非逮下之惠也亦自以齒與於旅也

**卒受者以虛解**

**降奠于篚**

盛氏世佐曰上文及此兩言卒受者依注二解並行則卒受者二人也教氏以經云大夫之解長受而錯則賓解但至主人而止其說不同竊謂堂上旅酬皆執解者酌以送之受者各於其席坐飲故二解可以並行至于旅在下者之時同在西階上酬者又須親酌若復二解並行頗覺其雜操而無次況一階之上而行禮者常四人馬能曲盡其進退雍容之度乎然則旅在下者蓋用一解也所用之解無論賓與大夫但取行至三賓之末者三賓之末飲而酬堂下衆賓之長堂下賓長飲而酬主人之贊者亦以次交錯而

辯也其一解則執解者以降奠于簠注云執解者酌在上者辯降復位其在斯時與教謂堂上惟行一解注謂堂下亦行二解皆未合讀者試以上下經文反覆玩味必有能辨之者

執解者洗升實解反奠于賓與大夫

注復奠之者燕以飲酒為歡醉乃止

主人之意也

無算樂

注合鄉樂無次數

蕙田案以上坐燕射後飲酒禮竟

賓興樂正命奏陔

注陔陔夏其詩亡周禮賓醉而出奏陔夏陔夏者天子諸侯以鐘鼓大夫

士鼓而已

賓降及階陔作賓出衆賓皆出主人送于門外再

拜

注拜送賓于門東西面賓不答拜禮有終

蕙田案以上賓出

明日賓朝服以拜賜于門外

注拜賜謝恩惠也

主人不見如賓

服遂從之拜辱于門外乃退

注不見不褻禮也拜辱謝其自屈辱

蕙田案以上拜賜

主人釋服乃息司正

注釋服說朝服服元端也息猶勞也勞司正謂賓之與之飲酒以其

昨日猶勞倦也月令曰勞農以休息之

無介

注勞禮畧貶於飲酒也此以下皆記禮之異者

不殺

注無俎故也

使人速

注速召賓

迎于門外不拜入升不拜至不拜

洗薦脯醢無俎賓酢主人主人不崇酒不拜衆賓既獻

衆賓一人舉觶遂無算爵

注言遂者明其間闕也賓坐莫觶于其所擯者遂受命于

主人請坐于賓賓降說屢升坐矣

無司正

注使擯者而不立之

賓不與

注昨日至尊不可褻也

徵唯所欲

注徵召也謂所欲請呼

以告于鄉

先生君子可也

注告請也鄉先生鄉大夫致仕者也君子有大德行不仕者

羞唯所

有

注用時見物

鄉樂唯欲

注不歌雅頌取周召之詩在所好

蕙田案以上息司正

記大夫與則公士為賓

注不敢使鄉人加尊于大夫也公士在官之士鄉賓主用處士

盛氏世佐曰公士鄉人之為命士者明非主人之屬也大夫雖入于一人舉觶之後而具有無來否主人

必預知之其用公士處士蓋自戒賓之時而已定矣  
非自大夫至而後易之也此與鄉飲酒禮異者彼所  
以賓賢不可以  
大夫故易也

使能不宿戒

注能者敏于事不  
待宿戒而習之

盛氏世佐曰亦云使能者此賓雖輕然必有才德者  
為之不可使不賢而居尊位也不宿戒者亦以國之  
公禮詢衆庶習射  
皆有定期故也

蕙田案以上記賓

其牲狗也亨于堂東北

敖氏繼公曰用狗者因大  
射之牲也其義與鄉飲同

尊綌幕賓至徹之

注以綌為幕取其堅潔

蒲筵緇布純

蕙田案以上記牲與尊幕筵

西序之席北上

注衆賓統于賓

教氏繼公曰經言衆賓長升就席者三人耳又曰衆賓之席繼而西是未必有西序之席北上者此記未詳

張氏爾岐曰堂上自正賓外衆賓三人而已今乃有西序東面之席豈三人非定法與疏以為大夫多尊東不受則于尊西賓近于西則三賓東面未知然否要之為地狹不容者擬設耳

蕙田案以上記西序之席

獻用爵其他用觶以爵拜者不徒作

蕙田案以上記爵觶之用

薦脯用籩五臠祭半臠橫于上醢以豆出自東房臠長

尺二寸

注脯用籩籩宜乾物也醢以豆豆宜濡物也臠猶脰也祭橫于上殊之也於人為縮

蕙田案以上記脯醢

俎由東壁自西階升賓俎脊脅肩肺主人俎脊脇臂肺

肺皆離皆右體也進腍

注以骨名肉貴骨也賓俎用肩主人用臂尊賓也右體周所貴

也



蕙田案以上記俎

凡舉爵三作而不徒爵凡奠者於左將舉者於右衆賓  
之長一人辭洗如賓禮

注尊之於其黨

蕙田案以上記行禮諸節

若有諸公則如賓禮大夫如介禮無諸公則大夫如賓

禮

注尊卑之差

張氏爾岐曰鄉射無介此以飲酒禮中之賓介明其差等也

蕙田案教繼公謂此記無諸公則大夫如賓

禮與經違乃記者之誤蓋謂此經所言遵者  
大夫之儀指無諸公者而言而其儀亦無異  
于介不得為如賓禮也然經不見如賓禮之  
儀而記互見之正不得以不合經疑之也

又案以上記遵者諸公大夫之差

樂作大夫不入樂正與立者齒

故氏繼公曰但云與立者齒獻  
薦與旅皆在其中矣惟位則異

蕙田案以上記大夫入節樂正立位

三笙一和而成聲

注三人吹笙一人吹和凡四人也爾雅曰笙小者謂之和

蕙田案鄭注以和為笙小者教繼公亦敬謂  
三人吹笙一人歌以和之二說不同案爾雅  
釋樂大笙謂巢小笙謂和既有明文陳暘樂  
書陳祥道禮書並云大者十九簧而以巢名  
之以其管在匏有鳳巢之象也小者十三簧  
而以和名之以其大者唱則小者和也是小  
笙為和確有明徵又國語云匏竹利制又曰

匏竹尚議韋昭云利制以聲音調利為制議  
從其調利也凡匏竹之器皆取其大小相調  
竽簫簫管簾皆然則笙與和之相調信矣若  
教氏所謂歌詩以和不知升歌之時無笙笙  
入之時無歌間歌亦一歌一笙無歌笙並作  
之事若合樂則歌者二人又不止于一和且  
記云歌者在上匏竹在下貴人聲也則堂下  
安得有歌教說非也

又案以上記笙

獻工與笙取爵于上篚既獻奠于下篚其笙則獻諸西

階上

注奠于下篚  
不復用也

蕙田案以上記工與笙之獻

立者東面北上

注賓  
黨

蕙田案以上記立者之位

司正既舉觶而薦諸其位

注薦于  
觶南

蕙田案以上記司正薦節

三耦者使弟子司射前戒之

注弟子賓黨之少者也前戒謂先射請戒之

教氏繼公曰三耦射則在先立則居前以弟子為之者為司射當誘射也誘有教之之意故以少者為之耦而誘之不使長者嫌其待之淺也惟前戒故不待命而先俟于堂西

蕙田案以上記三耦

司射之弓矢與扑倚于西階之西

注便其事也

蕙田案以上記司射弓矢倚扑處

司射既袒決遂而升司馬階前命張侯遂命倚旌

注著並行

也

蕙田案以上記司射司馬並行

凡侯天子熊侯白質諸侯麋侯赤質大夫布侯畫以虎

豹士布侯畫以鹿豕

注此所謂獸侯也燕射則張之鄉射及賓射當張采侯二正而記此

者天子諸侯之燕射各以其鄉射之禮而張此侯則經獸侯是也由是云馬白質赤質皆謂采其地其地不采者白布也熊麋虎豹鹿豕皆正面畫其頭象于正鵠之處耳君畫一臣畫二陽奇陰耦之數也

凡畫者丹質

注賓射之侯燕射之侯皆畫雲氣于側以為飾必先以丹采其地丹淺於赤

蕙田案以上記侯

射自楹間物長如筈其間容弓距隨長武

注楹間中央東西之節也

物謂射時所立處也物猶事也君子所有事也長如筈者謂從畫之長短也筈矢幹也長三尺與跬相應射者進退之節也間容弓者上下射相去六尺也距隨者物橫畫也始前足至東頭為距後足來合而南面為隨武跡也尺二寸

郝氏敬曰物長如筈與人步一跬相應三尺為跬六尺為步從長半弓不言橫同也其間謂兩物相去中間可容弓六尺曰弓即一步也兩人麗立中空一步以便射也左足先履物拒其外曰距右足來合曰隨足跡曰武武尺有奇兩足收斂迫狹方可容一武也

張氏爾岐曰榘鉤楹內堂由楹外雖不同皆以楹中央為東西之節注云謂射于庠恐未是

序則物當棟堂則物當楹

注是制五架之屋也正中曰棟次曰楹前曰庑



蕙田案以上記物

命負侯者由其位

注於賤者禮畧疏司馬自在已位遙命之

蕙田案以上記司馬命負侯之位

凡適堂西皆出入于司馬之南唯賓與大夫降階遂西

取弓矢

注尊者宜逸由便也

盛氏世佐曰凡適堂西皆出入于司馬之南蓋威儀之法有不得由便者惟賓與大夫則否優尊也

蕙田案以上記適堂西所由

旌各以其物無物則以白羽與朱羽糝杠長三仞以鴻

脰韜上二尋

注雜帛為物大夫士之所建也言各者鄉射或于庠或于榭無物者謂小國之州長

也其鄉大夫一命其州長士不命不命者無物此韜旌也韜亦所以進退衆者糴者雜也杠槿也七尺曰仞八尺曰尋 疏諸侯鄉大夫是大夫詢衆庶射于庠諸侯州長是士春秋習射于榭

蕙田案以上記旌

凡挾矢于二指之間橫之

注二指謂左右手之第二指此以食指將指挾之 疏第

二指為食指左傳云子公之食指動是也 第三指為將指左傳吳王闔廬傷將指是也

蕙田案以上記挾矢之法

司射在司馬之北司馬無事不執弓

注以不主射故也

蕙田案上記司射之法司馬之執弓

始射獲而未釋獲復釋獲復用樂行之

注君子取人以漸

蕙田案上記三射之序

上射于右

注于右物射

蕙田案上記射位

楅長如筈博三寸厚寸有半龍首其中蛇交韋當

注兩端為

龍首中央為蛇身相交也直心背之衣曰當以升韋為之

楅髹橫而奉之南面坐而

奠之南北當洗

注髹亦黑漆也

蕙田案以上記福

射者有過則撻之

疏司射擣扑是教射法撻犯禮之過者尚書云侯以明之撻以記之是也

蕙田案以上記撻

衆賓不與射者不降

注不以無事亂有事

蕙田案以上記堂上衆賓

取誘射之矢者既拾取矢而后兼誘射之乘矢而取之

注謂反位已禮成乃更取之不相因也

疏云不相因

者既自拾取已之乘矢反位東西望訖上射乃更向前兼所誘射之矢禮以變為敬故不相因

朱子曰經云後者遂取誘射之矢此註乃云反位禮成乃更進取之似相矛盾疏上射字與後者二字不相應當作下耦之下射

蕙田案上記兼取誘射之矢

賓主人射則司射擯升降卒射即席而反位卒事

注擯賓主

人升降者皆尊之也不使司馬擯其升降主于射

疏司馬本是司正不主射事

蕙田案上記司射擯升降

鹿中髣前足跪鑿背容八算釋獲者奉之先首

注前足跪者象

教擾之獸

受負也

蕙田案以上記鹿中

大夫降立于堂西以俟射

注尊大夫不使  
久列于射位

大夫與士射袒纁襦耦少退于物

注不肉袒殊于耦耦  
少退下大夫也既發

然則

蕙田案以上記大夫立處袒法

司射釋弓矢視算與獻釋獲者釋弓矢

注惟此二事釋  
弓矢則擯升降

不釋

蕙田案上記司射釋弓矢

禮射不主皮主皮之射者勝者又射不勝者降

注禮射謂以禮

樂射也大射賓射燕射是矣不主皮者貴其容體比于禮其節比于樂不待中為雋也言不勝者降則不復升射也主皮者無侯張獸皮而射之主于獲也尚書傳曰戰鬪不可不習故於蒐狩以開之也開之者貫之也貫之者習之也凡祭取餘獲陳于澤然後卿大夫相與射也中者雖不中也取不中者雖中也不取何以然所以貴揖讓之取也而賤勇力之取嚮之取也於圓中勇力之取今之取也於澤宮揖讓之取也澤習禮之處非所以行禮其射又主中此主皮之射與天子大射張皮侯賓射張五采之侯燕射張獸侯

朱子曰案書傳之文不具蓋曰取蒐狩之餘獲陳于

澤今之中者鄉雖不中亦取也今之不中者鄉雖中亦不取也

穀氏繼公曰禮射謂此篇所載與大射燕射之類是也禮射則張皮侯若采侯與獸侯而加正鵠主皮之射則不用正鵠但欲射中其皮耳此皮與所為皮侯者之皮不同蓋以中甲之革為之周官云射甲革樂記云貫革之射皆指此而言也中革之甲犀兕若牛之皮也其為物堅厚惟強有力者乃能貫之故禮射則不主皮為力不同科故也勝者言又射不勝者言降文互見也主皮之射又以射與不射示榮辱亦異于禮射者也其相飲之禮有無則未聞

張氏爾岐曰不主皮當依論語作主于中而不主于貫革為確貫甲之射習戰之射也其射當亦三番故



勝者又射不勝者則不復射也

蕙田案以上記主皮

主人亦飲于西階上

疏此謂主人在不勝之黨受罰爵之時也

蕙田案以上記主人飲處

獲者之俎折脊脇肺臠

注臠若膊髂骹之折以大夫之餘體疏上賓主人已用肩臂

惟有臠及膊髂骹若脊脇骨多尊卑皆有自臠以下各得其一今鄭具言之欲見科取其一定以其若無大夫獲者得臠即經所云者故臠在肺下欲見無大夫已合得若大夫一人大夫得臠獲者得膊若大夫二人獲者即得脇若大夫三人獲者即得骹若大夫公卿更多則折之不得正體或更取餘體也故鄭又言折以大夫

之餘  
體也

蕙田案教繼公據大射注刪臠字案折謂自  
臠以下脊脅骨多不須折言臠于肺下者舉  
所折之例也此特為無大夫言之也若有大  
夫則以大夫之餘體記若云獲者俎脊脅臠  
折肺文意更順今其文如此欲見此俎之折  
於禮為宜不因大夫多而然郝氏敬盛氏世  
佐並不從教氏今從之

東方謂之右个

注侯以鄉堂為面也

釋獲者之俎折脊脅肺皆有祭

注皆皆獲者也祭祭肺也以言肺嫌無祭肺

疏明記之者意見上已有肺嫌不別有祭肺故言皆有祭

蕙田案以上記獲者釋獲者俎實

大夫說矢束坐說之

注明不自尊別也

蕙田案以上記大夫說矢束

歌騶虞若采蘋皆五終

注每一耦射歌五終也

蕙田案以上記歌之終數

射無算

注謂衆賓繼射者衆賓無數也

蕙田案以上記射耦無定數

古者於旅也語凡旅不洗不洗者不祭既旅士不入注禮

成樂備乃可以言語先王禮樂之道也疾今人慢于禮樂之盛言語無節故退道古也

蕙田案以上記旅及士入節

大夫後出

注下鄉人不干其賓主之禮

主人送于門外再拜

注拜送大夫尊

之也主人送賓還入門揖大夫乃出拜送之

蕙田案以上記大夫出節

鄉侯上个五尋中十尺

注上个最上幅也上幅用布四丈中方者也用布五丈今官布

幅廣二尺二寸旁削一寸考工記曰梓人為侯廣與崇方謂中也

侯道五十弓弓二寸

以為侯中

注言侯中所取數也量侯道以狸步而云弓者侯之所取數宜用射器也正二寸者較中

之博也

附把中側骨之疏周禮弓人云較解中有變焉謂弓

倍中以

為躬

注躬身也謂中之上

倍躬以為左右舌

注謂上个也居兩旁

謂之个左右出謂之舌

下舌半上舌

注半者半其出于躬者也用布三丈

蕙田案上記鄉侯之度

箭籌八十長尺有握握素

注箭篠也籌算也八十者畧以十耦為正貴全數握本所

持處也素謂刊之也刊本一膚

### 蕙田案以上記箭籌

楚扑長如筭刊本尺

注刊其可持處

### 蕙田案以上記扑

君射則為下射上射退于物一筭既發則答君而俟

注退

于物一筭不敢與君併也答對也

君樂作而後就物君袒朱襦以射小

臣以巾執矢以授

注君尊也不搢矢不挾矢授之稍屬

若飲君如燕則夾

爵

注謂君在不勝之黨也實飲君如燕賓勝解于公之禮夾爵者君既卒爵復自酌

欽定義疏自此以下數節通燕射大射言之

蕙田案以上記君射儀

君國中射則皮樹中以翹旌獲白羽與朱羽糒

注國中城中也

謂燕射也皮樹獸名以翹旌獲尚文德也

欽定義疏朱子通解以此條入燕禮

於郊則閭中以旌獲

注於郊謂大射也大射于太學王制曰小學在公宮之左大學在郊

閭獸名如驢一角周書曰北唐以閭

於竟則虎中龍羶

注於竟謂與鄰國君射也畫龍於羶尚文章也通帛為羶

敎氏繼公曰此記言君之中與所獲者有國中郊竟之異而不言為某射則是其所以異者惟繫于地之遠近不繫于射之大小也若然則固有射而用皮樹中翹旌燕射而用虎中龍羶者矣

大夫兕中各以其物獲士鹿中翹旌以獲

注兕獸名似牛一角用翹

為旌以獲無物也

疏公侯伯大夫再命子男大夫一命不同故云各公侯之州長一命有旌亦入物中

敎氏繼公曰其指大夫而言大夫有上中下之異故物亦有差司常職曰大夫士建物翹旌即白羽與朱羽繅者也上記言士禮云旌各以其物無物則以白羽與朱羽繅此直見翹旌而已蓋記者雜也

### 蕙田案以上記中與獲之等

惟君有射于國中其餘否

注臣不習武事于君側也疏天子諸侯燕射皆在國天



子賓射亦在國大夫士燕射賓射不在國大夫又得行大射亦不得在國


蕙田案以上記人臣無國中射

君在大夫射則肉袒

注不袒纁襦下于君也

蕙田案以上記大夫侍君射袒法

右儀禮鄉射



五禮通考卷一百六十二